

大宗地玄文本論

疑

C40  
4514  
165

C40-4514

了翁上座請大藏及百  
家書置之於別業雲山  
時微公塔院庭前  
為學公不暇許出院內  
當山一世鐵牛機謹識



B 64853

大乘集菩薩學論卷第二十三

法稱菩薩造

念三寶品第十八之二

論曰由信等故則能緣念諸佛功德如護國尊者所

問經偈云

稽首調御真金色 面如滿月淨無垢

功德聖智實難思 於三有中無與等

牟尼螺髻紺青色 高顯清淨如須彌

脅間毫相普獎明 烏瑟柁沙無見者

如來目淨若青蓮 譬軍那花及珂月  
憐憫觀視諸有情 是故我今稽首禮  
如來舌相類銅色 脩廣而能覆面輪  
演甘露法潤群生 是故我今稽首禮  
如來四十齒齊密 絜白堅利若金剛  
出眞實語瑩光輝 是故我今稽首禮  
如來色相最殊特 威光照耀百千刹  
釋梵護世及諸天 所有光明無復觀  
如來雙牀逾鹿王 曾臆廣袤如師子  
俯視安行伴象王 大地山川俱震動

如來身相極端嚴 燦若金光而潤澤  
於諸世間無比倫 衆生見者不厭捨  
如來徃咎百千劫 於所愛樂皆能施  
慈悲哀念諸有情 是故我今稽首禮  
如來志樂修諸度 戒檀忍進善堅固  
禪定勝慧悉圓明 是故我今稽首禮  
如來衆中師子吼 勇猛能摧諸異論  
三毒垢穢盡無餘 是故我今稽首禮  
牟尼三業超三有 譬若芙蕖不著水  
迦陵頻伽淨妙聲 是故我今稽首禮

了知世間皆幻化	如俳優者易形色
亦如陽燄及夢中	無我無人無壽者
泐本空寂無有生	不能悟解隨流轉
大慈普導諸群迷	方便隨機宣正法
觀察世間諸苦惱	貪等眾病鎮相縈
如來無上大醫王	各各對治令解脫
示生老死憂悲苦	愛別離等諸過患
牟尼救護於世間	咸令厭離皆除斷
地獄鬼畜險惡趣	諸有情輩隨輪轉
憫彼無親無導師	指示愚迷登正路

過太諸佛出世間	自在咸宣深法義
如是世尊同彼說	悉使眾生證聖道
佛聲深遠過梵天	響潤清徹生眾善
乾闥婆與緊那羅	所出樂聲皆不現
積集清淨諸功德	演說無邊真實語
百千那由他眾生	聞已各發三乘意
若能供養於如來	當獲勝妙諸快樂
富貴自在眾所欽	後於世間為帝王
或作輪王御四洲	具足七寶皆殊異
常以十善利眾生	由於如來興淨業

或為忉利諸天主  
乃至他化大梵天  
如是見佛供養已  
皆能永斷諸苦因  
世尊了知道非道  
若人求福供養佛  
於俱胝劫不可量  
微妙刹土勝莊嚴  
隨其願力住其中  
如是種種妙福報

或夜摩王觀史陀  
皆因供養如來故  
及所聞法生信敬  
得證寂靜離塵垢  
而能止惡成歸善  
常獲無盡勝福藏  
乃至當證菩提果  
如他化天極可愛  
身口意業常清淨  
皆由供養於如來

是人雖處於世間  
如來具廣大名稱  
常於無邊大眾中  
永離世間諸熱惱  
最上寂靜人中尊  
我今獲得五神通  
稽首勇猛大導師  
今於天人大集會  
所有廣大勝福田

如受龍宮天上樂  
一切刹土悉聞知  
十方諸佛皆稱讚  
顯示大悲無與等  
是故我今稽首禮  
住立虛空伸讚歎  
分別諸法淨無垢  
稱揚善逝諸功德  
同與衆生成正覺

又如法集經說復次善男子諸佛世尊具大福智而

爲莊嚴以大慈悲爲所行境於諸世間爲救護者作  
大醫王善拔毒箭常任寂靜妙三摩地不著生死及  
與涅槃乃至於諸有情猶如父母以大慈心平等憐  
愍一切世間無有過者以相應智爲世照明大智有  
情之所圍繞一切人民常樂承事遠離自樂息除他  
苦任持正法以法爲主得法自在以法爲食以法爲  
藥以法爲施一切皆捨以智揀擇常不放逸於險難  
處爲作橋梁如王者道平坦無障乃至清淨色身見  
者無厭諸佛世尊有如是等無量功德我當成就彼  
諸義利此說名爲菩薩念佛云何念法菩薩了知諸

佛世尊無邊功德皆從法生從法所化從法所得從  
法增上從法而有從法境界從法依止從法成就乃  
至所有世出世間諸快樂事亦從法生從法成就是  
故我求諸佛菩提應尊重法依法境界依法所歸依  
法決定依法堅固依法修行此說是名菩薩念法復  
次菩薩於諸衆生應當平等而爲說法以法無高下  
故我同彼法其心平等法無面從而爲宣說以法無  
相黨故我同彼法其心平等法無時節而爲宣說以  
法內心領受故我同彼法其心平等法非於勝者而  
爲宣說於其劣者不爲宣說以法各能入解故我同

彼法其心平等法非於淨而爲宣說於不淨者不爲宣說以法離染汚故我同彼法其心平等又法非於聖人而爲宣說於凡夫者不爲宣說以法離諸見故我同彼法其心平等法非晝說而夜不說亦非夜說而晝不說以法常所持故我同彼法其心平等法非調伏亦無違越以法無所取著故我同彼法其心平等法非減失亦非增長以法如虛空故我同彼法其心平等法不厭衆生衆生能護法我同彼法其心平等法非求所歸與世作歸依我同彼法其心平等法無損惱以法離所害相故我同彼法其心平等法

無怨嫉以法離諸結使故我同彼法其心平等法非怖輪廻亦不樂涅槃以法無分別故我同彼法其心平等菩薩如是積集正念是爲念法云何念僧此中復說是說法者是行法者是思惟法者是法福田者是任持法者是依止法者是供養法者是如法所作者是法境界者是法行處者是成就法者是自性質直者是自性清淨者是隨順教誨者是發起大悲者是能揀擇智境界者是常修習白淨法者論曰菩薩如是念僧則能成辦一切衆生真實功德如無垢稱經偈云

或示老病死 成就諸群生 了知如幻化

通達無有礙 或現劫燒盡 天地皆洞然

衆人有常想 照令知無常 無數億衆生

俱來請菩薩 一時到其舍 化令向佛道

經書禁咒術 工巧諸技藝 盡現行此事

饒益諸群生 世間衆道法 悉於中出家

因以解人惑 而不墮邪見 或作日月天

梵王世界主 或時作地水 或復作風火

劫中有疾疫 現作諸藥草 若有服之者

除病消衆毒 劫中有飢饉 現身作飲食

先救彼飢渴 却以法語人 劫中有刀兵

爲之起慈悲 化彼諸衆生 令住無諍地

若有大戰陣 立之以等力 菩薩現威勢

降伏使和安 一切國土中 諸有地獄處

輒往到于彼 免濟其苦惱 一切國土中

畜生相食噉 皆現生於彼 爲之作利益

示受於五欲 亦復現行禪 令魔心憤亂

不能得其便 火中生蓮花 是可謂希有

在欲而行禪 希有亦如是 或現作婦女

引諸好色者 先以欲鈎牽 後令入佛智

或為邑中主	或作商人導	國師及大臣
以祐利衆生	諸有貧窮者	現作無盡藏
因以勸導之	令發菩提心	我心憍慢者
為現大力士	消伏諸貢高	令住無上道
其有恐懼衆	居前而安慰	先以施無畏
後令發道心	或現離嬌欲	為五通仙人
開導諸群生	令住戒忍慈	見須供事者
現為作僮僕	既悅可其意	乃發以道心
隨彼之所須	得入於佛道	以善方便力
皆能給足之	如是道無量	所行無有涯

菩薩修習供養功德如害光明陀羅尼經偈云

智慧無邊際	度脫無數衆	假令一切佛
於無數億劫	讚歎其功德	亦復不能盡
放大光明鬘莊嚴	種種微妙雲海	
如是妙鬘普周徧	廣大供養作佛事	
放大光明香莊嚴	種種微妙香雲海	
如是妙香普周徧	廣大供養作佛事	
放大光明花莊嚴	種種微妙花雲海	
如是妙花普周徧	廣大供養作佛事	
放大光明瓔珞嚴	種種瓔珞妙雲海	

如是瓔珞普周徧  
 放大光明現寶幢  
 種種珍寶共合成  
 摩尼寶網色交映  
 垂珠瓔珞演佛音  
 於一如來伸供養  
 無量諸佛亦同然  
 神通智力妙難思  
 最上神變三摩地  
 於諸如來供養門

廣大供養行佛事  
 青黃赤白相間飾  
 而用莊嚴於佛刹  
 懸衆繒幡以為蓋  
 莊嚴而覆如來上  
 掌中涌施諸嚴具  
 自在變現三摩地  
 廣能化利諸含識  
 而現百千方便門  
 一切能捨布施門

杜多功德持戒門  
 勤行勇猛精進門  
 達諸義趣勝慧門  
 行四攝事歡喜門  
 四諦緣生解脫門  
 悟聲聞乘解脫門  
 修最上乘神變門  
 了知無我壽者門  
 證真常樂三昧門  
 平等普共諸衆生

無盡不動忍辱門  
 安任寂靜禪定門  
 淨修梵行神通門  
 積集福智利他門  
 修習根力勝道門  
 觀緣覺乘清淨門  
 或現無常苦惱門  
 作不淨觀離貪門  
 如是種種方便門  
 皆能證彼解脫門

現諸形類應群機	神通說法難思議
隨順成熟諸有情	各生愛敬咸安樂
常思出離世間因	求證清淨三摩地
若逢飢饉衆難時	隨其所欲而周給
廣能憐愍諸有情	離諸憂怖常安隱
及以上妙諸飲食	種種衣服諸庫藏
國城所愛悉能捐	於彼世間興大施
或現身相極殊特	種種莊嚴具威勢
塗香巧妙衆花鬘	巍巍色相無與等
如是形色及威儀	各各見已樂瞻奉

爲其方便演法音	普使群生發道意
或現迦陵頻伽聲	俱計羅及俱拏聲
緊那羅衆妙鼓聲	皆演如來解脫義
佛出世間所宣說	八萬四千眞法藏
如是分別諸法門	悉與衆生作饒益
或現苦惱或快樂	及作義利非義利
隨宜引導令發心	皆能與彼同修作
或見障難諸危厄	種種逼迫難堪忍
當以勇悍大悲心	代彼衆生而受苦
若處無有解脫法	亦無阿蘭若出離

以王福力具興崇	令彼皆生於淨信
若離在家貪愛縛	則為超越世間因
於諸欲境盡蠲除	是為世間照明者
若能具足諸功德	是名行法大丈夫
牟尼妙行悉能修	是人得生極樂土
壽命長遠不可涯	受勝妙樂消諸惑
生老病苦不能侵	於無常中得自在
顯示貪嗔諸過失	熾然燒煮無暫停
如是四相亦復然	普使群迷令覺悟
如來十力四無畏	十八不共諸功德

我今稱讚誓歸依	常於世間作義利
譬如種種諸幻士	而能變現眾形相
如來出現於世間	神通示化亦如是
能以權巧善方便	廣行饒益諸有情
清淨意樂叵思議	譬若蓮花超濁水
或現戲論諸言詞	瓔珞莊嚴舞旋轉
種種技藝眾所觀	顯諸色相皆如幻
或為村營聚落主	或為長者或商賈
或為輔相及宰臣	辯論無倫大智者
或於曠野作大樹	或為無盡珍寶藏

如意摩尼隨所須	於迷方所為引導
或現所作諸事業	種種彩繪及工巧
經營播植競希求	令悟世間非久住
或現宛親無憎愛	咸令安隱獲吉祥
洞明方藥濟群生	方便教示牟尼道
或演最上牟尼法	普使人天離癡惑
令諸異道出家人	羨心歸向一切智
如是苦行諸外道	常持不語喬答摩
裸形離繫號沙門	各能依奉師尊教
或有常持捨身行	執為最勝無過上

辮髮長髻童子戒	各能依奉師尊教
或有五熱而炙身	或受狗牛等禁戒
或有常被鹿皮衣	各能依奉師尊教
或有常樂天中智	無善無惡及無因
唯食根果及清泉	各能依奉師尊教
或有蹲坐或翹足	或臥荆棘或塗灰
執杖令心不異緣	各能依奉師尊教
乃至一一諸外道	彼能猛利修苦行
化令永斷諸苦因	悉使深心求解脫
如是世間諸異見	皆由依止於師尊

我今為接彼邪徒	開示如來真實義
或演大乘微妙句	或宜秘密真言句
或現直說顯了句	或樂天中言說句
或以文字分別句	決定妙義金剛句
以智摧諸異論句	棄背非法言論句
或示人中明咒句	或現諸天勝妙句
諸龍夜叉乾闥婆	阿蘇羅及步多句
緊那羅與誑嚕拏	摩睺羅等所說句
各能入解彼言詞	宣暢如來解脫法
謂由得悟真實義	於佛法中心決定

語言智境妙難思	此為最上三摩地
謂由獲彼三摩地	而能普放淨光明
其光攝化諸機宜	令獲輕安常寂靜
或放光明名善見	衆生蒙光而起信
悉能觀察衆善因	具足不空無上智
由是光明普照已	獲觀無邊佛法僧
如來塔廟衆靈蹤	一一稱揚伸供養
又放光明名勝燈	其光晃耀無能比
為欲嚴淨於世間	能破微塵諸黑暗
彼光契矚衆生已	各各持燈而奉獻

如來供養不思議  
或以酥燈及油燈  
乃至眾香妙寶燈  
又放光明名鈎召  
由斯教誨彼群迷  
如是慈光普照已  
當令永離四瀑流  
復以眾燈而用施  
或以松脂及竹葦  
施已願授然燈記  
悉能警集諸有情  
解脫輪迴愛有海  
各使眾生得開悟  
現除憂惱常安樂

大乘集菩薩學論卷第二十三

大乘集菩薩學論卷第二十四

法 稱 苦 薩 造

宋西天三藏朝散大夫試鴻臚少卿宣梵大師日稱等奉詔譯

念三寶品第十八之三

諸有道路河流處  
普為利樂諸眾生  
放大光明除渴愛  
令其捨離於五欲  
若能捨離於五欲  
則能以佛甘露雨  
能建橋梁及船筏  
稱讚寂靜令忻悟  
此炎能覺諸舍識  
專求解脫深妙法  
專求解脫深妙法  
普滅世間諸渴愛

惠施池井及泉流  
毀咎五欲讚禪定  
放大光明名作變  
見者令慕佛菩提  
造立如來大悲像  
常歎最勝佛功德  
放大光明名忻樂  
令其心樂於諸佛  
若常心樂於諸佛  
則在如來聖會中

勤求無上菩提道  
是故光名除渴愛  
此光能覺諸眾生  
發心願證無師智  
衆相莊嚴處蓮座  
是故此光名作愛  
此光能覺諸眾生  
及以樂法樂衆僧  
及以樂法樂衆僧  
逮成無生深法忍

開悟衆生無有量  
及示發心功德行  
放大光明名福聚  
令其修習種種施  
設大施會無遮限  
不令其心有所乏  
放大光明名具智  
於一法門了多法  
爲諸衆生分別說  
善能廣說無損減

普使念佛法僧寶  
是故此光名忻樂  
此光能覺諸衆生  
以此願求無上道  
諸來乞者皆滿足  
是故此光名福聚  
此光能覺諸衆生  
於多法門利那解  
決定了知真實義  
是故此光名具智

放大光明名慧燈

此光能覺諸眾生

令知眾生性空寂

一切諸法無所有

法無主宰本來空

如幻陽焰水中月

亦如夢境及影像

是故此光名慧燈

放大光明法自在

此光能覺諸眾生

令得無盡隨羅尼

悉持一切如來藏

恭敬供養持法者

給侍守護如諸仙

以種種法施眾生

是故光名法自在

放大光明名具捨

此光覺悟慳眾生

令知財富悉無常

樂行惠施而無悞

善能調伏彼慳者

了財如夢如浮雲

增長惠施清淨心

是故此光名具捨

放大光明名除熱

此光能覺毀禁者

普令安住清淨戒

發心願證無師智

勸勵眾生咸奉持

十善業道常清淨

復令發趣菩提心

是故此光名除熱

放大光明名忍嚴

此光覺悟多嗔者

令除忿恚及我慢

樂修忍辱常柔和

眾生暴惡難行忍

為菩提故心不動

稱揚最上忍功德

是故此光名忍嚴

放大光明名勤勇

此光覺悟懶惰者

令彼常於三寶中

恭敬供養無疲厭

若彼常於三寶中

恭敬供養無疲厭

則能超出四魔境

速成無上佛菩提

勸諸眾生發精進

常於三寶伸供養

法欲滅時專護持

是故此光名勤勇

放大光明名寂靜

此光能覺亂意者

令其遠離貪恚癡

心不動搖棲正定

捨離一切惡知識

無義談說雜染行

讚歎禪定阿蘭若

是故此光名寂靜

放大光明名慧嚴

此光覺悟愚迷者

令其證諦解緣起

諸根智慧悉通達

若能證諦解緣起

諸根智慧悉通達

則得日燈三摩地

智慧光明成佛果

國財及已皆能捨

為菩提故求正法

聞已為眾廣開演

是故此光名慧嚴

放大光明名佛慧

此光覺悟諸含識

令見無量百千佛

各各坐寶蓮花上

讚佛威德及解脫

說佛自在諸神通

顯示佛力妙難思

是故此光名佛慧

放大光明名無畏  
 非人捶打所執縛  
 於諸衆生施無畏  
 拯濟厄難孤窮者  
 放大光明名安隱  
 令除一切諸苦痛  
 施以良藥救衆患  
 掌中涌現諸飲食  
 放大光明名見佛  
 隨其憶念見如來

此光照觸除諸怖  
 一切災難皆令滅  
 遇有惱害皆能止  
 是故此光名無畏  
 此光能照疾病者  
 悉得勝定三昧樂  
 妙寶延命香塗體  
 是故此光名安隱  
 此光覺悟將歿者  
 命終得生其淨國

見有臨終勸念佛  
 俾於佛所深歸仰  
 放大光明名樂法  
 令於正法常欣樂  
 法欲盡時能演說  
 於法愛樂勤修習  
 放大光明名妙音  
 能令三界所有聲  
 以大音聲稱讚佛  
 普使世間聞佛音

又示尊像令瞻敬  
 是故此光名見佛  
 此光能覺諸群生  
 聽聞讀誦及書寫  
 令求法者意充滿  
 是故此光名樂法  
 此光開悟諸菩薩  
 聞者皆是如來音  
 及施鈴鐸諸音樂  
 是故此光名妙音

放大光明名甘露

此光開悟諸眾生

令捨一切放逸行

具足修習諸功德

謂有為法非安隱

無量苦惱悉充遍

常樂稱揚寂滅樂

是故此光名甘露

放大光明名最勝

此光開悟諸眾生

令於佛所普聽聞

戒定智慧增上法

常樂稱讚大牟尼

勝戒勝定及勝慧

如是為求無上道

是故此光名最勝

放大光明名寶嚴

此光能覺諸群生

令得寶藏無窮盡

以此供養諸如來

以諸種種上妙寶

奉施於佛及佛塔

亦以惠施諸貧乏

是故得成此光明

放大光明名香嚴

此光能覺諸眾生

令其聞者悅可意

決定當成佛功德

人天妙香以塗飾

供養一切最勝主

亦以造塔及佛像

是故得成此光明

放大光明妙莊嚴

寶幢幡蓋無央數

焚香散華奏眾樂

城邑內外皆充滿

由以微妙伎樂音

眾香妙華幢蓋等

種種莊嚴供養佛

是故得成此光明

放大光明名嚴淨

令地平坦猶如掌

莊嚴佛塔及其處

是故得成此光明

放大光明名大雲

而能密布雨香水

由以香水灑佛塔

是故得成此光明

放大光明名嚴具

令裸形者得上服

嚴身妙物而為施

是故得成此光明

放大光明名上味

能令飢者獲美食

以眾珍饌而為施

是故得成此光明

放大光明名勝財

令貧乏者獲寶藏

以無盡物施三寶

是故得成此光明

放大光明名淨眼

能令盲者見眾色

以燈施佛及佛塔

是故得成此光明

放大光明名淨耳

能令聾者悉善聽

作樂施佛及佛塔

是故得成此光明

放大光明名淨鼻

昔未聞香皆能聞

以香施佛及佛塔

是故得成此光明

放大光明名淨舌

能除麤惡不善語

由以美音稱讚佛

是故得成此光明

放大光明名淨身

令根缺者皆具足

以身禮佛及佛塔

是故得成此光明

放大光明名淨意

令失心者得正念

由修三昧自在力

是故得成此光明

放大光明名淨色

難思妙相咸令觀

妙華供佛及佛塔

是故得成此光明

放大光明名淨聲

觀聲緣起如谷響

了知聲性本來空

是故得成此光明

放大光明名淨香

令諸臭穢悉香潔

香水浴佛及佛塔

是故得成此光明

放大光明名淨味

能除一切味中毒

常供佛僧及父母

是故得成此光明

放大光明名淨觸

能令硬觸皆柔軟

戈鋌劔戟從空雨

皆令變作妙花鬘

以昔曾於道路中

塗香散華布衣服

迎奉如來蹈其上

是故得成此光明

放大光明名淨法

能令身諸毛孔中

悉演難思妙法門

聽者咸欣蒙解脫

自性無生從緣起

法性常住等虛空

了知佛身即法身

是故得成此光明

如是等比光明門

如微塵數無有量

悉從大仙毛孔出

所作事業各差別

如一毛孔所放光  
一切毛悉亦然  
如彼所修諸功德  
今放光明故如是  
往昔同修勝福業  
於今所作亦復然  
若有自修衆福業  
復於佛德常勤求  
譬如生盲不見日  
諸有目者悉了知

出若虛空微塵數  
此是大仙三昧力  
隨其宿緣同梵行  
此是大仙智自在  
能生愛樂皆隨喜  
是故得成此光明  
數數供養於諸佛  
由此光明所開覺  
非謂無日出世間  
各隨所務而修作

大士光明亦如是  
凡夫邪信劣解人  
摩尼宮殿及輦輿  
具有勝福咸自然  
大士光明亦如是  
邪信劣解凡愚人  
若有聞此光差別  
永斷一切諸疑網  
復現最上三摩地  
十方一切國土中

有智慧者皆悉見  
於此光明莫能覩  
妙寶靈香以塗瑩  
非無德者能安處  
有深智者咸蒙照  
無有能得斯光矚  
能生清淨深信解  
速成無上功德幢  
眷屬莊嚴皆自在  
佛子衆會皆圍繞

有妙蓮華光莊嚴

量等三千大千界

其身端坐悉充滿

現此三昧神通力

復有十刹微塵數

妙寶蓮華所嚴飾

諸佛子等住其中

是此三昧威神力

宿世成就善因緣

具足脩行佛功德

如是眾會所圍繞

悉共合掌觀無歇

童子身中入三昧

於盛年身從定起

盛年身中入三昧

於老年身從定起

老年身中入三昧

近事女身從定起

近事女身入三昧

近事男身從定起

近事男身入三昧

比丘尼身從定起

比丘尼身入三昧

於比丘身從定起

比丘身中入三昧

學無學身從定起

學無學身入三昧

於緣覺身從定起

緣覺身中入三昧

現如來身從定起

如來身中入三昧

於諸天身從定起

諸天身中入三昧

於大龍身從定起

大龍身中入三昧

於夜叉身從定起

夜叉身中入三昧

於部多身從定起

部多身中入三昧

一毛孔中從定起

一毛孔中入三昧

一切毛孔從定起

一切毛孔入三昧

一毛端頭從定起

一毛端頭入三昧

一切髮端從定起

一切髮端入三昧

一微塵中從定起

一微塵中入三昧

於一切塵從定起

一切塵中入三昧

於金剛際從定起

金剛際中入三昧

於摩尼寶從定起

若摩尼寶入三昧

佛光明中從定起

若佛光中入三昧

於水大中從定起

若水大中入三昧

於火大中從定起

若火大中入三昧

於風大中從定起

若風大中入三昧

於地大中從定起

若地大中入三昧

於天宮殿從定起

若天宮殿入三昧

於空起定心不亂

是名不思議解脫

自在功德三摩地

十方所有諸如來

於無量劫說不盡

一切如來共宣說

衆生業報龍變化

諸佛自在大神通

及入定力不思議

聲聞心住八解脫

能以一身現多身

復以多身爲一身

於虛空中入火定

彼不具足大慈悲  
尚能現此難思議  
譬如日月遊虛空  
泉池陂澤器內水  
菩薩色像亦復然  
此皆三昧自在力  
海中有神名善音  
所有語言皆辯了  
彼神具有貪恚癡  
況復總持自在力

不為眾生求佛道  
何況廣大饒益者  
其光普遍十方處  
眾寶河海靡不現  
十方普現不思議  
唯有如來能現證  
其音普順海眾生  
令彼一切悉歡悅  
猶能善解諸言說  
而不能令眾歡喜

譬如幻師善幻法  
須臾示作日月歲  
幻師具有貪恚癡  
況復解脫諸禪定  
羅睺阿脩羅變現  
海水雖深沒半身  
彼有貪欲嗔恚癡  
況復降魔照世燈  
天與脩羅鬪戰時  
隨其軍眾之數量

能現無邊巧事業  
城邑豐饒大安樂  
猶能幻力悅世間  
而不能令眾歡喜  
蹈金剛際海中立  
首與須彌正齊等  
尚能現此大神變  
而無自在威神力  
帝釋神力得自在  
現身與等彼無敵

諸阿脩羅作是念	釋提桓因來向我
必取我身五種縛	由是彼眾悉憂怖
帝釋現身有千眼	手執金剛出火焰
被甲持杖具威嚴	脩羅遙見咸退伏
彼由微小福力故	猶能摧破大怨敵
何況救度一切者	豈於功德不自在
如風興雲降大雨	亦能息滅諸雲氣
亦能成熟諸苗稼	亦能安樂諸群生
彼不能學波羅蜜	亦不學佛諸功德
猶成不可思議事	何況具足諸願者

論曰菩薩諸有所作皆為利樂諸眾生故自餘別明  
增長福因如寶雲經偈云

若諸菩薩	嚴持香華	奉獻如來	及佛塔廟
以此回向	願諸眾生	離破戒垢	得佛戒香
若諸菩薩	以淨香水	掃灑塗地	以此回向
願諸眾生	離惡威儀	修善法式	整肅圓滿
若諸菩薩	嚴持花蓋	而以奉獻	以此回向
願諸眾生	離煩惱熱	若入伽藍	發如是心
令諸眾生	入涅槃城	出伽藍時	發如是心
願令眾生	越生死獄	若開戶牖	發如是心

願令衆生 開聖智門 若閉戶牖 發如是心

願令衆生 閉惡趣門 若安坐時 發如是心

願令衆生 坐菩提場 右脇臥時 發如是心

願令衆生 安住涅槃 從臥起時 發如是心

願令衆生 離纏蓋障 若往便利 發如是心

願令衆生 趣大覺路 正便利時 發如是心

願令衆生 拔三毒箭 若洗淨時 發如是心

願令衆生 洗煩惱垢 若洗手時 發如是心

願令衆生 離穢濁業 若洗足時 發如是心

願令衆生 離障塵全 嚼齒木時 發如是心

願令衆生 捨諸垢染 又彼菩薩 若身所作

一切善業 持以回向 利益安樂 一切衆生

若禮如來 及佛塔廟 發如是心 願令衆生

常得人天 之所禮敬

大乘集菩薩學論卷第二十四

大乘集菩薩學論卷第二十五  
法  
造

大乘集菩薩學論卷第二十五

法稱菩薩造

宋西天三藏朝散大夫試鴻臚少卿宣林大師日稱等奉詔譯

念三寶品第十八之四

論曰謂諸菩薩或以因緣遇諸難事正念對治不生  
驚怖如般若經說復次舍利子若菩薩摩訶薩設於  
惡獸難中不生驚惱亦無怖畏何以故是菩薩即作  
是念我當利益諸衆生故一切皆捨若諸惡獸欲噉  
我者我當施與速得圓滿施波羅蜜願我當成阿耨  
多羅三藐三菩提時國土清淨不聞諸惡蟲獸之名

論  
大乘集菩薩學論卷第二十五  
法  
造

復次舍利子若菩薩摩訶薩於怨賊難中不生驚惱亦無怖畏何以故是菩薩若已所有皆悉能捐卽作是念若諸怨賊來欲所須我當與之乃至劫取斷我命根身語意業亦無嗔恨速得圓滿戒波羅蜜及得具足忍波羅蜜願我當成阿耨多羅三藐三菩提時國土清淨不聞如是怨賊之名復次舍利子若菩薩摩訶薩於渴乏難中亦無怖畏何以故是菩薩得法利益而無憂惱卽作是念我今當爲一切衆生宣說法要斷除渴愛設我此身爲渴所逼趣命終者復於後世起大悲心嗟此衆生薄福德故還復生此無水

難中令修正行具足勝惠而能圓滿精進波羅蜜多願我當得阿耨多羅三藐三菩提時國土清淨不聞如是渴乏之名其中衆生具足福德自然而有八功德水復次舍利子若菩薩摩訶薩於飢饉難中不生驚怖何以故是菩薩被精進鎧堅固無懈作如是念今此衆生受飢饉苦深可憐愍願我當成阿耨多羅三藐三菩提時國土無有飢饉之名所化衆生適悅安隱如忉利天自然快樂一切所欲隨心卽現壽命堅固安住寂靜

論曰如是所作則能增長廣大福因最上境界亦同

清淨經中所說若以法施不生希望所獲勝報見深  
心教戒經若人不希名聞財利能以法施獲二十種  
慈心功德一者安住正念二者能生覺悟三者發趣  
勝道四者任持諸善五者增長慧命六者達出世智  
七者除貪過失八者除嗔過失九者除癡過失十者  
魔不得便十一者諸佛加持十二者諸天守護容色  
光澤十三者非人惡友不得其便十四者善友知識  
常所愛敬十五者所言真實十六者得無所畏十七  
者意常悅豫十八者善名流布十九者明記無忘二  
十者常樂法施此說是名慈心功德又般若經云復  
次阿難若聲聞人以聲聞法普爲三千大千世界一  
切衆生如其所證而爲演說悉令獲得阿羅漢果阿  
難若菩薩摩訶薩能以般若波羅蜜多相應句義爲  
一衆生開演說過前三千大千世界一切衆生證  
阿羅漢所得功德又復於彼諸阿羅漢積集布施持  
戒功德於意云何是爲多不阿難自言甚多世尊甚  
多善逝佛言阿難彼福雖多不如菩薩以此般若波  
羅蜜多相應法門爲他演說其福勝彼又菩薩摩訶  
薩於此般若波羅蜜多甚深法門能一日中爲人分  
別如是乃至一時一刻一須臾頃善宣說者阿難彼

菩薩如是法施不可以聲聞緣覺所有善根而相比  
喻何以故是菩薩摩訶薩於阿耨多羅三藐三菩提  
得不退轉故又以法施如妙法蓮華經偈云

菩薩有時 入於靜室 以正憶念 隨義觀法

菩薩常樂 安隱說法 於清淨地 而施牀座

以油塗身 澡浴塵穢 着新淨衣 內外俱淨

安處法座 隨問為說 若有比丘 及比丘尼

除懶墮意 及懈怠想 離諸憂惱 慈心說法

晝夜常說 無上道教 以諸因緣 無量譬喻

開示衆生 咸令歡喜 衣服臥具 飲食醫藥

而於其中 無所希望 但一心念 說法因緣

願成佛道 令衆亦爾 是則大利 安樂供養

是經復說以順法故不多不少乃至深愛法者亦不

為多說又月燈經偈云

若者宿請問 欲求於法施 應先謂彼言

我學習不廣 又復作是說 尊者甚聰慧

豈於大德前 而能輒宣說 說時勿倉卒

當擇器非器 既審其機已 不請亦為說

若於大衆中 見諸毀禁者 勿復歎持戒

當歎施等行 若見少欲者 與持戒相應

起於大悲心 讚少欲持戒 得彼勝儔侶  
便可讚持戒

論曰如是法師應當澡浴著新淨衣以慈修身為衆  
演說一切魔羅不得其便見海意經陀羅尼

恒軛切他引設彌二引設摩縛底三設彌多設咄嚕合二  
四 盜酤哩五引摩引囉唎底六葛囉引膩七引枳引踰哩

八引 烏竭縛底九烏呼引葛野底十尾輸引馱你一十你  
哩摩合二梨引十摩羅引鉢那曳三引十烏渴哩四引十渴

七 嚕引誡囉合二細五引十鉢囉合二薩你六引十係引目契十  
阿引目契八引十設曳多引你薩哩合二囉合二恒囉合二誡

囉合二賀滿馱那引你九屹哩合二係引多薩哩合二波  
囉鉢囉合二縛引祢那十尾目訖多引二合摩引囉播引

舍一二十塞他引二合必多引沒馱母捺囉二合二引三母  
捺伽二合底多薩哩縛合二摩囉三阿都梨多鉢捺

鉢哩戍鞞切身尾誡蹉底薩哩縛合二摩引囉引葛哩  
摩二合尼五二十

彼說法師以此真言作持誦已處于法座普觀衆會  
廣運慈心當於己身起醫王想如法藥想於聽法者  
起病人想於諸如來起正士想於正法眼起久住想  
由此真言現前施作於正理法如應為說是時周而

百由旬內諸魔天衆悉不能來作諸魔事設諸魔王  
至法會所亦復不能作諸障難

論曰如是平等法施則能增長大菩提心如寶篋經  
云文殊師利譬如林木枝葉繁茂皆因四大而得生  
長文殊師利如是菩薩以種種門集諸善根一切皆  
攝在菩提心於一切智回向菩提以爲增長

論曰若諸菩薩爲欲廣大顯示修學佛之境界最初  
安住正念正知如是則能成就正斷及不放逸謂由  
發起精進樂欲而於未生惡不善法防護不起於其  
已生惡不善法則能永斷使令清淨未生善法令其  
發起已生善法更復增長於不放逸而常安住諸善  
法中此爲根本如月燈經偈云

如我所說諸善法  
謂戒聞捨及忍辱  
以不放逸爲根本  
是名善逝最勝財

云何名放逸謂於邪教及惡朋友虛妄推求而得生  
起如人執持王所飲藥盛滿器中行險滑路當知是  
人恐怖憂惱何有放逸又如來祕密經說云何不放  
逸謂能最初調攝諸根眼見色等不取於相不著於  
好如是乃至意法亦然了知是已皆不取著不生染  
愛常求出離又於自心善調伏已亦能隨應攝護他

心善能息彼煩惱染愛此名不放逸若人信解不放  
 逸法則能隨順諸精進事亦復積集淨信功德由修  
 淨信及不放逸精進法故則能修作正念正知以正  
 念正知故則於一切菩提分法而不壞失若具淨信  
 不放逸精進正念正知者則能勤修深固之法菩薩  
 若於深固法中善了知者則能於有於無如實覺了  
 乃至於世俗諦中說眼等為有彼經偈云

常不放逸甘露法

利衆生發菩提心

深固寂靜心亦然

諸樂根本無所取

論曰若能積集諸相應行則於自他增長勝福而說

頌曰

學自他平等	堅固菩提心	對自成於他
展轉無有實	亦猶立彼岸	由此而對待
彼既本來無	我性何所有	若苦不防護
則為苦所著	如是行法者	云何而不護
起邪妄分別	執我以爲常	若我本如然
何現有生滅	彼若別有生	爲誰修福業
營求於財利	及受諸快樂	現見身衰老
不久而殞滅	復生爲嬰兒	童子及年少
於剎那時分	速朽而變壞	何處名爲身

爪髮皆離散	初識托母胎	生已為孩孺
盛年衰老相	最後為灰燼	此明身自性
分位假安布	畢竟無一塵	形相那久住
又復此身者	不說當自知	為異相所遷
思惟我何有	由分位和合	世俗而顯現
於佛正理中	隨相應所斷	彼若無有識
則不能建立	亦無貪恚癡	云何有功德
餘九種世間	各各有三種	無識與衣等
何能生彼樂	衣不能生樂	當知從因生
若樂生於衣	彼相何曾有	是故正教理

說諸行無常	現證及思惟	由因緣和合
見自己眷屬	云何說有常	於方所推求
無一微塵許	如然燈油盡	彼油知何往
如是觀察已	剎那不可住	聚集諸眷屬
嚴飾而行列	妄計為我有	於樂他何知
了知彼衆生	無一可積集	自他既有殊
於苦亦無得	如是不相應	彼我何處有
或如自力能	數數而開示	世間諸衆生
多苦常逼切	當起大悲心	為憐愍於彼
善作是觀察	平等而救度	假使入阿鼻

如鵝泛蓮沼	為令諸有情	常處歡喜海
自不樂解脫	救彼常無狀	作是利益已
而不生特賴	亦無有疲勞	不希於果報
若十方福聚	彼我定獲得	不生嫉妬心
他樂同已想	又復若自他	同修於懺悔
勸請佛世尊	及隨喜福業	作如是回向
平等無差別	隨其福所施	無盡眾生界
菩薩行是行	則多所饒益	增長大悲心
獲最上安隱	得彼金剛手	及諸佛世尊
常作於護持	群魔咸驚悸	是法王之子

諸天咸讚揚	住善提心車	善遊履勝道
眾生善修習	息除自他苦	故我無所著
一切皆當捨	若人為愛縛	則苦無窮極
煩惱由之生	損壞徒後悔	苦火燒眾生
熾然皆普遍	下至爪分量	於已亦無樂
謂一切我愛	第一之苦本	燒然使無餘
為利諸含識	樂妻子眷屬	畢竟皆棄捐
思惟因緣生	於身亦無愛	諸有具智人
於彼二皆捨	了知身與心	剎那差別起
謂常無有常	離垢本無垢	自得於菩提

彼亦成正覺 不思以世法 而利於衆生

法藥及佛像 如是我當施 以慧自揀擇

所作事相應 攝護於已財 積已而能散

或自身他身 若少苦多苦 如是皆令得

諸上妙快樂 衆生於欲境 防護生障惱

如蛇處窟穴 畢竟令清淨 猶如淨良田

成熟諸稼穡 能除飢熱惱 滿足其福報

若人不遠離 名利及五欲 所說亦無誠

於彼不須怒 彼既失自利 怒之忍何有

於是不生嗔 利他而不斷 善行真實忍

如觀麝有香 已物爲他侵 返遭獵者損

以方便思惟 無主宰快樂 自既非受用

彼何無教誨 如是彼佛子 念念除煩惱

了諸根境界 譬若大瘡疤 念彼忿恚者

饒益而開誘 自性離調柔 處苦樂何得

又彼五大種 示之以強名 乃至住有情

皆成於義利 若利生無懈 則不造諸惡

故我勤修習 六界無衰惱 至虛空究竟

及世間邊際 我住利衆生 令智心成熟

身爲阿闍黎 善學離諸苦 不問自力能

何所非防護	若自作苦惱	何因生恐怖
隨自師了知	我慢諸過失	住大悲境界
不貪於果報	常近事修學	平等何有我
見癡狂盲者	行步多錯悞	或墮險道中
自他常憂惱	為尋求彼故	同難而救護
如是行相應	則見大功德	我過失非一
其深如巨海	若自他復造	何由得解脫
若彼善教誡	羞耻諸過咎	常頂受他言
一切皆當學	聞彼過生怖	慎勿於餘說
彼我心命同	若喜則無耻	諸煩惱冤敵

我獨能鬪戰	若此於心中	損壞無安隱
歸命觀自在	大悲無與等	紺髮簇旋螺
復如鬘垂下	於十方刹土	指端流乳海
救地獄鬼趣	輪迴諸極苦	復於善眾生
亦尋聲救護	婆維阿脩羅	得脫彼冤害
極最勝莊嚴	世所未曾覩	愚智諸有情
瞻奉咸忻慶	又復虔信禮	妙吉祥大士
所集正法藏	能利樂世間	無比大醫王
善消諸毒難	施樂及壽命	故我今稽首
無邊苦熱惱	現廣大清泉	令眾悅其心

當除諸渴愛 十方諸世界 各現劫羅波

衆生滿所求 普現青蓮目 無量諸菩薩

稱讚身毛聳 歸命文殊尊 最勝無過上

一切希有菩薩行 結集所有諸功德

自他當獲福無窮 皆作文殊真佛子

書寫此正法 我所有微善 爲愍有情故

令增長勝慧 諸法從緣生 緣盡法即滅

我師大沙門 常作如是說

大乘集菩薩學論卷二十五

音釋

螺髻 螺落戈切縮髮如螺也 紺青色也 深烏瑟柁沙

佛頂髻音你云 臚市亮切 袞莫侯切 侔莫浮切 俳優俳

皆優倡也 憤古對切 悍侯肝切 繪胡對切 辯胡典

切編徂尊切 翹渠亮切 矚之欲切 瀑薄報切 插

髮也 擗也 擊也 鎧市連切 戟訖逆切 塗疾也 蒲悶切

寧也 擗也 擊也 夜 麝神夜切 獸名

泰和信士蕭士瑀捐資刻  
大乘集菩薩學論

東湖信士 殷時衡  
毛晉 同對

崇禎癸未仲秋虞山華嚴閣識

論二十五卷  
共字十萬零一千  
一百五十箇  
計寫銀四兩零四分六厘  
計刻銀三十五兩  
四錢零二厘  
共板一百四十三塊  
計工價銀七兩一錢五分  
嘗燕劉乘愈書  
陳水楊可澮刻

大宗地玄文本論卷第一

馬鳴菩薩造

陳真諦三藏譯

歸依德處無邊大決擇分第一

頂禮一切無餘明 非一非一諸則地

不數不思無量一 并諸種種趣生類

本無量數斷命品 與等塵塵無有法

兼不可說無所有 通俱非是等諸法

論曰就此二行偈中則有八門云何為八一者顯示  
中中主者門二者顯示道路軌則門三者顯示離雜

合一門四者顯示無邊毛生門五者顯示種種離識門六者顯示假有無實門七者顯示無所有事門八者顯示具足無礙門是名爲八就顯示中中主者門中則有五種云何爲五一者隨順隨轉應身主者二者有無無礙變身主者三者本體本性法身主者四者本末俱絕滿道主者五者隨應無礙自然主者是名爲五修集行因大陀羅尼修多羅中作如是說爾時花輪寶光明天子則白佛言世尊第一導師有幾數量可思議不可思議唯願世尊爲我等衆開示顯說我等大衆聞其名字常誦常念出無明藏到涅槃

城於是世尊告天子言我若以神通力無量無邊阿僧祇劫中說其名字終不能盡今當略言爲汝等衆宣說其要善男子其覺者數廣大圓滿過於恒沙略說五種云何爲五一者隨體佛二者變體佛三者法體佛四者莫測佛五者應轉佛乃至廣說故如偈頂禮一切無餘明故以何義故一切導師皆名王者以三義故云何爲三一者自在義諸法王故二者頂上義三界一故三者周遍義無所不至故是名爲三如是已說顯示中中主者門次當說顯示道路軌則門就此門中則有六種云何爲六一者音裔言導無礙

自在軌則二者所依本地平等一種離諸虛妄軌則三者生長莊嚴一一有力軌則四者究竟圓滿無餘盡攝軌則五者非名非相非體非用無造無作軌則六者自然現前常住不變無所詮了究竟淨滿軌則是名爲六金剛三昧無礙解脫本智實性修多羅中作如是說復次文殊師利若我廣說總有十億七萬三千五百法門行者履遊道路則若我略說總有六種行者履遊則則是六則通攝一切無量無邊軌則藏海云何爲六一者說則二者等則三者種則四者上則五者非則六者常則乃至廣說故如偈非一非一諸則地故以何義故一切法藏皆名軌則一三義故云何爲三一者金區義時人易轉法門之印常恒不變如彼區故二者引導義攝將行者令趣治路如彼導故三者能持義善持自相而不壞失如彼持故是名爲三如是已說顯示道路軌則門次當說顯示離雜合一門就此門中則有三種云何爲三一者結縛合一一切無量無邊無煩惱之衆類再生雖無內合一而有外合一以數量等成立契一義故二者解脫合一一切無量無邊三乘諸聖人等內有道理之合一義外有同塵之合一義故三者具足俱

非合一切無量無邊金剛中間大聖衆等具足能契所契之二義故是名爲三文殊師利論義第一無極無盡修多羅中作如是說僧衆之海雖無有量而其本體但有三種云何爲三一者無根無諍地二者俱根無諍地三者有根無諍地乃至廣說故如偈不數不思無量一故以何義故一切諸僧皆名合一有二義故云何爲二一者積集義集會無量無邊一切散亂塵故二者一種義安止無量無邊一切波浪識故是名爲二如是已說顯示離雜合一門次當說顯示無邊毛生門就此門中則有三門云何爲三一者有類毛生無邊門二者空類毛生無邊門三者似類毛生無邊門是名爲三就初門中則有四種云何爲四一者卵生二者胎生三者濕生四者化生是名爲四如是四生能攝一切無量有類根本名數就中門中則有三種云何爲三一者光明中藏空類二者闇色中藏空類三者風雲中藏空類是名爲三如是三類空故非空以隱故空應審觀察空類眷屬其數衆多不出此量就後門中亦有三種云何爲三一者幻化咒術相相無理似類二者變藥方禁相相無理似類三者隨本現前影像似類是名爲三如是三類能

攝一切無量無邊種種似類根本名數集類法門修  
多羅中作如是說有識種類廣說有十略說有三云  
何爲三一者心識親近在有衆生二者處所隱藏不  
見衆生三者識遠似有動轉衆生是名爲三乃至廣  
說故如偈并諸種種趣生類故以何義故一切衆生  
皆色毛生有二義故云何爲二一者動轉不定義隨  
趣受生無有定法故二者衆多無數義方角無有數  
量故是名爲二今此門中爲欲現示聖如角渺凡如  
毛多故如是已說顯示無邊毛生門次當說現示種  
種離識門就此門中則有二種云何爲二一者共業  
建立斷命品二者別業建立斷命品是名爲二就第  
一門中則有四種云何爲四一者風輪大地斷命品  
二者水輪大地斷命品三者金輪大地斷命品四者  
火輪大地斷命品是名爲四如是四輪能攝一切無  
量無邊共業建立斷命品類根本名數言別業建立  
斷命品者謂衆生身非執受攝髮毛等類業行本因  
修多羅中作如是說復次文殊師利言衆生居住世  
間者則有二種云何爲二一者總輪世間二者別持  
世間是名爲二此二世間善能攝持無量無邊一切  
居住依止世間乃至廣說故如偈及無量數斷命品

故以何義故一切離識皆名斷命所謂無有了別智  
品故如是已說現示種種離識門次當說現示假有  
無實門就此門中則有五種云何爲五一者如水  
月假有二者如闍婆城假有三者如陽炎水假有四  
者如幻化作假有五者如谷響音假有是名爲五大  
寶無盡蓮花地地修多羅中作如是說如水月中等  
五種虛說譬喻總攝五萬五千五百五十詮虛說譬  
喻根本名字乃至廣說故如偈與等塵塵無有法故  
以何義故一切無量虛說譬喻皆明無有所謂無有  
實自性故名曰爲無無有其實非都無故名曰爲有  
如是已說現示假有無實門次當說現示無所有事  
門就此門中則有四種云何爲四一者如石女兒無  
所有事二者如兔馬角無所有事三者如龜躡毛無  
所有事四者如羅漢無所有事是名爲四本地修  
多羅中作如是說復次佛子汝前所問何等法名爲  
無所有品者石女兒等四種本說我若廣說其數無  
量乃至廣說故如偈兼不可說無所有故以何義故  
一切空法皆悉名爲無所有事有二種故云何爲二  
一者彼空法體性空空如此四本說故二者此空若  
不詮彼則是空故是名爲二如是已說現示無所有

事門次當說現示具足無礙門就此門中則有十種云何爲十一者心主法二者心念法三者色主法四者色子法五者非契應法六者無爲法七者非有爲非無爲法八者亦有爲亦無爲法九者俱俱法十者俱非法是名爲十言心主法者可一八識等諸心識本法故言心念法者與此相應一切數法言色主法者可一能造大種法等言色子法者可一所造種種色法言非契應法者可一非色非心種種諸法言無爲法者虛空等四種無爲法言非有爲非無爲法者一心等諸本性法言亦有爲亦無爲法者一心等諸本性之法作業用相言俱俱法者大本之法其第一分言俱非法者大本之法其最後分如是十法今此門中一有一無一生一滅一逆一順一品一類不相捨離是故說言現示具足無礙門焉最勝德王離是故說言現示具足無礙門焉最勝德王廣大虛空修多羅中作如是說不可說不可說不可說十方世界微塵數無量無邊法門大海一居一起一任一止終不分割亦不捨離以此義故建立稱曰廣大圓滿虛空地地無盡無極法界大海門乃至廣說故如偈通俱非是等諸法故

歸依德處因緣大決擇分第二

如是已說歸依德處無邊大決擇分次當說歸依德處因緣大決擇分其相云何偈曰

以有十種大因緣

造作歸依德處海

所謂禮恩及加力

廣大殊勝與無我

決定大海并贊化

兼通現示自本身

如是十種大因緣

圓滿大士乃能具

凡非境聖亦非量

隨分菩薩亦不能

論曰何因緣故歸依德處以有十種大因緣故而作歸依如偈以有十種大因緣造作歸依德處海故云

何名爲十種因緣一者禮敬尊重甚深因緣能作禮

敬歸依德處摧伏僞慢增長善根故如偈禮故二者

憶念恩澤報推因緣而能造作勝妙論教開曉一切

狂亂衆生一切德處皆悉歡喜故如偈恩故三者仰

請加力咸爲因緣若爲造作大論法門彼諸德處不

以加力不能分別法門海故如偈及加故四者開布

廣散令了因緣以妙言辭示聰明詮現了彼諸修多

羅中秘密微妙深遠文義大海爲令廣大故如偈廣

大故五者勸物令生殊勝因緣造作論教開示文義

若不歸依彼諸衆生不能究竟信受奉行故如偈殊

勝故六者修習忍辱無我因緣發起歡喜尊重歸向  
廣大心故如偈與無我故七者出生功德決定因緣  
歸依德處造作論教若見若聞若見見者若聞聞者  
若同國任一切皆悉隨時不移出生增長無量無邊  
一切功德善根之品決定不謬違故如偈決定故八  
者大海無盡寶藏因緣積集無量無邊一切諸種種  
力造作殊勝圓滿大海如意寶輪金剛德藏爲欲救  
度無量無邊貧窮苦惱衆生類故如偈大海故九者  
方便善巧教化因緣具足者中雖無別歸而贊教化  
爲利生故如偈并贊化故十者現示過去本身因緣  
所歸德處一切皆悉無非自身之攝持故如偈兼通  
現示自本身故是各十種大因緣相如是廣大殊勝  
因緣何人所作佛菩薩作菩薩菩薩當不能作况凡  
二乘如偈如是十種大因緣圓滿大士乃能具凡非  
境聖亦非量隨分菩薩亦不能故  
大宗地玄文本論卷第一

大宗地玄文本論卷第二

馬鳴菩薩造

陳真諦三藏譯

一種金剛道路大決擇分第三

如是已說歸依德處因緣大決擇分次當說一種金

剛道路大決擇分其相云何偈曰

一種金剛地 總有五種位 謂漸次究竟

及圓滿等非 并及等是位 如是五種位

諸修多羅中 具足無餘說

論曰一種金剛道路無礙本地地中總有幾位廣說

雖無量略說有五種如是五位一切總則一切根本一切中藏一切出生如偈一種金剛地總有五種位故云何各為五種本位一者無超次第漸轉位二者無餘究竟總持位三者周遍圓滿廣大位四者一切諸法俱非位五者一切諸法俱是位是各五種根本位如偈謂漸次究竟及圓滿等非并及等是位故如是五者自家宣說龜則方說如是五位直是方說非宜說量如偈如是五種位諸修多羅中具足無餘說故位所依止本數名字其相云何偈曰

所依止本數 總有五十一 謂虛假光明

四十種名字 不動真金剛 十種本名字

及大極地故 是各所依數

論曰五種本位所依止之名字差別其數幾有廣說雖無量略說有五十一種名字如是五十一種根本名字一切天地一切父母一切體性一切所依如偈所依止本數總有五十一故云何各為五十一數所謂虛假光明分中有四十種真金剛中有十種數此五十中加大極自然陀羅尼地故是故成立五十一數名字分中四十種數當何等相所謂十種愛樂心十種識知心十種修道心十種不退心各差別故云

何名爲十愛樂心一者必又多二者阿摩訶尸三者  
諦度毗梨耶四者和羅只度五者奢摩陀提尸六者  
摩訶阿毗跋致多七者阿羅婆訶尼八者婆嚩多阿  
梨羅訶諦九者尸羅俱尸阿尸羅十者摩訶毗阿阿  
僧那是各爲十云何各爲十識知心一者雷伽度二  
者雷諦迦度三者雷羅伽四者雷摩訶五者安婆婆  
六者毗跋致七者阿毗跋致八者必又伽九者必阿  
羅十者留山迦是名爲十云何各爲十修道心一者  
度伽呵二者度安爾三者度只羅四者度和差五者  
度利他六者度生婆諦七者度沙必八者度阿訶九  
者度佛阿十者度又一婆是名爲十云何各爲十不  
退心一者羅諦流沙二者羅曇沙三者必自伽四者  
法必他五者佛度陀六者羅又必七者師羅文伽八  
者婆訶諦九者婆羅提弗陀十者達摩邊伽是名爲  
十如偈謂虛假光明四十種名字故云何爲十真金  
剛心一者鳩摩羅伽二者須何一婆三者須那迦四  
者須陀洹五者斯陀含六者阿那含七者阿羅漢八  
者阿尼羅漢九者阿那訶訶十者阿訶羅弗是名爲  
十如偈不動真金剛十種本名字故此五十中更復  
加婆伽婆佛陀應審觀察是各五十一種名字如偈

及大極地故是名所依數故如是五十一種心中彼無超次第漸轉位安立屬當其相云何偈曰

五十一位中 如次無超轉 一中具一切

名爲漸轉位

論曰唯一行者五十一種別相位中迴向趣入如其次第無超過法所以者何此門位量法如是故如偈五十一位中如次無超轉故如是行者以何行相而漸漸轉謂具具轉故云何名爲具具轉相謂一信心位中具餘五十心而轉乃至一大極地位中具餘五十心而轉故若爾一物耶異物耶實是異物而一物故所以者何一信心中具一切位非餘位故而一信心中具一切位故以何義故一信心中具諸餘位更須漸漸轉具一中具而不能具多中具故是故須轉今此門中五十一中一切具具皆悉具足方名漸轉位故如偈一中具一切名爲漸轉位故摩訶衍金剛種子修多羅中作如是說金剛道路足行者以二大事而決定轉云何名爲二決定轉一者遍度通達轉二者具具增長轉是名爲二言遍度通達轉者通遍經過五十一種大道路故言具具增長轉者一一位中攝諸位故乃至廣說故如是已說無超次第漸轉門

論  
次當說無餘究竟總持門其相云何偈曰

五十一位中 隨其先得入 攝一切一切

名無餘究竟

論曰有五十一別相位中或有行者以信趣入或有行者以真金地而趣入或有行者以大極地而趣入如是等諸行者隨其先得入位之量盡攝一切一切位地究竟無餘亦無移轉亦無出入一一白白是故說言總持門位如偈五十一位中隨其先得入攝一切一切名無餘究竟故難入未曾有會修多羅中作如是說

迴向則信心 信心則佛地 佛地則十地

究竟有何次

乃王廣說故如是已說無餘究竟總持門次當說周遍圓滿廣大門其相云何偈曰

五十一種位 無前後一時 俱轉俱行故

名周遍圓滿

論曰五十一位無有前後一時俱轉一時俱行無有所餘亦五十一別相位中所有無量無邊諸位無有前後一時俱轉一時俱行無有所餘是故說言圓滿位焉如偈五十一種位無前後一時俱轉俱行故名

周遍圓滿故法界法輪無盡中藏修多羅中作如是說爾時文殊師利聞世尊所說即從坐起合掌頂禮前白佛言世尊云何名為橫轉無向修道人者如宜世尊為諸大衆宣說開示如是大事於是世尊即告文殊師利言一種無二一道一區大地行者一切行道無前無後一時發起一時同轉一時住持一時證入一時安立是名橫轉無向道人乃至廣說故如是已說周遍圓滿廣大門次當說一切諸法俱非門其相云何偈曰

諸無量無邊 一切種種位 皆悉非建立

名俱非位地

論曰今此偈中為明何義為欲現示此俱非門非因非果非位非地非有非無非名非義非事非理非壞非常非生非滅一切一切皆悉非故如偈諸無量無邊一切種種位皆悉非建立名俱非位地故若爾以何義故建立位名以其非義立為位故大明修多羅中作如是說無位位第一位乃至廣說故如是已說一切諸法俱非門次當說一切諸法俱是門其相云何偈曰

一切種種法 無非金剛身 以一身義故

論  
名爲俱是門

論曰無量無邊一切位法一切皆悉是金剛身等無差別唯依一身是故說言俱是門焉所以者何今此門中無一一法而非金剛真實身故如偈一切種種法無非金剛身以一身義故名爲俱是門故種金大地修多羅中作如是說無病道人唯見積影不見散身故

金剛寶輪山王大決擇分第四

如是已說一種金剛道路大決擇分次當說金剛寶輪山王大決擇分其相云何偈曰

漸是盡滿非 一時及前後 與俱并俱非

一異時處轉

論曰今此偈中爲明何義爲欲現示一身金剛大力寶輪山王體中次第漸轉諸法等是無餘究竟周遍圓滿俱非絕離此五種位一時轉前後轉俱有轉俱非轉亦一時轉亦異時轉亦一處轉亦異處轉具足具足自在自在無所障礙故大嚴盡地虛空法界修多羅中作如是說復次龍明汝前所問云何名爲金剛本身廣大無障無礙恒沙功德品者殊勝極妙不可思議不可思議五種金剛道路足行地地無

盡中藏之根本自性出生增長所依止藏乃至廣說故

金輪山王道路大決擇分第五

如是已說金剛寶輪山王大決擇分次當說金輪山王道路大決擇分其相云何偈曰

山王道路中 總有十五位 體五種位中 各有三用故

論曰此金輪山王道路中建立幾位為道路量廣說雖無量略說有十五種位以如是位為道路分如偈山王道路中總有十五位故以何因緣分明了知此道路中有十五種根本之位謂彼金剛大力寶輪山王體五種位中皆悉各各有三種自在作用故以此義故成立十五差別名數如偈體五種位中各有三用故故方修多羅中作如是說一區王民行地地中唯有十五種體分業數位無所餘位乃至廣說故然明神妙理修多羅中作如是說有二十五種差別位者取王家轉非取作轉故造作轉攝十五種位名字形相當如何耶偈曰

明了及遠數 相續并三合 遍動遍不動 字等兼廣大 遍到不遍到 融立異俱離

是名十五名 如次應觀察

論曰就次第漸轉體中則有三種用云何爲三一者  
分明了達審地作用不亂次第建立位地行道分明  
名義俱了故如偈明了故二者遠行遠修無數作用  
經無量劫過此諸位修集功德無窮盡故如偈及遠  
數故三者無斷無絕恒轉作用利那利那中間中間  
常恒不息自然轉故如偈相續故是名爲三就諸法  
等是體中亦有三種用云何爲三一者能詮能了一  
合作用善巧言說無礙覺慧其數無量一金剛故二  
者所詮所證一合作用甚深極義勝妙玄理唯是一

區唯是一身無二岐故三者隨應有名一合作用隨  
其所應一切有名一切皆悉一身身故是名爲三如  
偈并三合故就無餘究竟體中亦有三種用云何爲  
三一者周徧圓滿動轉作用第一時中依一位中通  
攝一切而究竟轉故如偈遍動故二者周徧圓滿不  
動作用如是轉者所餘一切無量位中不移不轉常  
決定故如偈遍不動故三者名句文字無別作用隨  
其先唱與餘一故如偈字等故是名爲三就周徧圓  
滿體中亦有三種用云何爲三一者無量無邊廣大  
作用其法自體出現業相盡極廣大無分界故如偈

廣大故二者無礙通達遍到作用一時建立一切位故如偈遍到故三者極極無數不遍作用遍通經過而唯有一邊故如偈不遍到故是名為三就俱非絕離體中亦有三種用云何為三一者消融無所建立作用一切諸法皆悉遣除無所許故如偈融故二者建立諸法悉持作用一切諸法以俱非義是理成故如偈立故三者消融建立俱絕作用究竟絕道廣建立故如偈與俱離故是名為三是為十五種位名字焉此道路位大利根者乃能通達鈍根衆生決定難了如偈是名十五名如次應觀察故如是諸位亦一時出興亦異時出興亦俱時出興亦一處轉亦異處轉亦俱處轉亦不出興亦不移轉亦唯一種亦是多種於彼本法有作用有作方便自然自在建立造作應審觀察

獨一山王摩訶山王大決擇分第六  
 如是已說金輪山王道路大決擇分次當說獨一山王摩訶山王大決擇分其相云何偈曰

摩訶山王中 總有千二百 七十五種位  
 謂五十一種 大根本位中 皆一一各各  
 漸轉等五位 具足安立故

論  
 大智度論卷之三  
 九  
 北

論曰此獨一山王摩訶山王體中建立幾位以爲體分廣說雖無量略說其要唯有一千二百七十五種決定位故如偈摩訶山王中總有千二百七十五種位故以何因緣山王體中有千二百七十五位分明現知所謂常恒五十一種根本位中一一各各次第漸轉諸法等是無餘究竟周遍圓滿俱非絕離五種位具足轉故亦漸轉等五種位中各各開示漸轉等五種別位故是故成立一千二百七十五位如偈謂五十一種大根本位中皆一一各各漸轉等五位具足安立故故此獨一山王摩訶山王體中如是千二百七十五種位亦一一時轉亦異一時轉亦俱一時轉亦皆非轉亦一時一處轉亦一時異處轉亦異時異處轉亦皆非轉自在自然無障無礙是故說言無盡虛空大陀陀筏羅法界本藏地地出生無窮無極廣德大海法門藏焉大智莊嚴法界性身甚深修多羅中作如是說非比非喻難得惟說大海中藏大海一體本地地中三品德類具足圓滿無所闕失云何爲三一者上品德類其位名字眾多無數與十方世界微塵之數其量等故二者中品德類其位名字與百百億三千大千世界微塵之數其量等故三者

下品德類其位名字有一千二百七十五位故是名  
爲三如是諸位一一一一一乃至無量無量無量

無量無量無量乃至廣說故  
大宗地玄文本論卷第二

音釋

軌居委切踏七由切  
法則也

大宗地玄文本論卷第三第四同卷

馬 鳴 善 薩 造

陳 真 諦 三 藏 譯

大海部藏道路大決擇分第七

如是已說獨一山王摩訶山王大決擇分次當說大

海部藏道路大決擇分其相云何偈曰

大海部藏曰 總有十種法 謂五種非空

及五種無常

論曰此大海部藏道路分中建立幾法爲部藏量所  
謂建立十種法體以爲大海部藏分故摩訶衍地修

論

大宗地玄文本論卷第三

十南

多羅中作如是說俱俱海藏履道分中唯有十法無  
 有餘法乃至廣說故如偈大海部藏中總有十種法  
 故以何義故有十應知五種非空五種無常各差別  
 故如偈謂五種非空及五種無常故彼十種法其名  
 字相當如何耶偈曰

離礙及有實 性火并今光 兼深里出興

地藏大龍王 如是五種名 非空不共稱

起持變壞品 與大力無明 如是五種名

無常不共稱 各有第一一 以請氣力故

立門實本攝 如法應觀察

論曰云何名爲五種非空決定住法一者離礙非空  
 決定住法二者有實非空決定住法三者性火非空  
 決定住法四者今光非空決定住法五者深里出興  
 決定住法名爲五如偈離礙及有實性火并今光  
 兼深里出興地藏大龍王故如是五名五種非空決  
 定住法不共異轉差別名字如偈如是五種名非空  
 不共稱故云何名爲五種無常虛假轉法一者動起  
 無常虛假轉法二者止持無常虛假轉法二者易變  
 無常虛假轉法四者散壞無常虛假轉法五者大力  
 無常虛假轉法名爲五如偈起持變壞品與大力

無明故如是五名五種無常虛假轉法不共異轉差別名字如偈如是五種名無常不共稱故深里大力如是二法氣力立門非取實體應審觀察如偈各有第一一以請氣力故立門實本攝如法應觀察故如是已說建立名字不同門次當說所詮義理差別門如是五種非空決定住法各有幾數所謂各各有二種故云何名爲二種離礙一者守身離礙二者變轉離礙言守身離礙者無障礙身常恒決定不失壞故言變轉離礙者建立萬有令自在故是名爲二云何名爲二種有實一者守身有實二者變轉有實言守身有實者常平等身常恒決定不失壞故言變轉有實者建立差別令安住故是名爲二云何名爲二種性火一者守身性火二者變轉性火言守身性火者明德藏身常恒決定不失壞故言變轉性火者塵累俱轉隨順成故是名爲二云何名爲二種今炎一者守身今光二者變轉今光言守身今光者始炎炎身決定常恒不失壞故言變轉今光者隨順流轉無所礙故是名爲二云何名爲二種深里一者守身深里二者變轉深里言守身深里者離絕中身常恒決定不失壞故言變轉深里者諸無爲中得自在故是名

爲二如前所說五種無常業用差別各各如何所謂  
如次出生一切無量無邊大過患海皆無餘故住持  
一切無量無邊大過患海皆無餘故變易一切無量  
無邊大功德海皆無餘故壞滅一切無量無邊大功  
德海皆無餘故覆障非德非患中身自在皆無餘故  
如是五法自體及品各各差別應審觀察如是已說  
所詮義理差別門次當說依位決定安立門如前所  
說五十一種真金剛位遍幾處耶偈曰

如是五十一 遍於五種處 大聰明行者  
能善决擇知

論曰如前所說五十一位遍離礙等五種處中無所  
不至無所不通以此義故大金剛位有五應知如偈  
如是五十一遍於五種處故如是位地利根能知非  
鈍者境所以者何極甚深故極利了故極秘密故如  
偈大聰明行者能善决擇知故亦復處二故位亦二  
應知是故具集有十而已然今所說是變非身別建  
立位總幾數有字身差別其相云何偈曰

別建立位數 總有十種焉 漸次及盡餘  
不動與俱滅 一空一有位 智智斷智地  
相值兼撥立 邊邊轉一會 具足此十位

門界量圓滿

論曰別建立位總有十種云何爲十一者一何無超  
漸次位二者遍究竟盡不盡位三者一切中際不動  
位四者雙立諸法俱滅位五者若一空當一有位六  
者能斷所斷悉智位七者熏力相對相值位八者隨  
除障處立位位九者真妄得邊有無位十者諸法一  
種一會位是名爲十如偈別建立位數總有十種焉  
漸次及盡餘不動與俱滅一空一有位智智斷智地  
相值兼撥立邊邊轉一會故隨有一別建立彼總必  
當具足一切別位方得建立大總位耶必當具別總  
得成故如偈具足此十位門界量圓滿故如是十種  
別相之位遍於幾處遍五處故所謂轉攝五種處中  
各具五十一金剛位經過諸位亦有十種別相位故  
大總相位總有幾數遍幾處時偈曰

總位有三種 謂上中下故 唯遍五種處

非餘位應知

論曰大性總地根本體位總有三種云何爲三一者  
趣高上上轉去位二者自然安住中中位三者向焉  
下下轉去位是名爲三如偈總位有三種謂上中下  
故如是三總隨別有有唯遍轉五非所餘位應審觀

高  
九宗地三才論卷第三  
五  
北疑  
察如偈唯遍五種處非餘位應知故如是已說依位  
決定安立門次當說依位法數具闕門如前所說十  
種本法守轉二種金剛位中爲盡不盡謂若守位中  
唯具德五無所餘五若轉位中十法具足無所闕失  
以此義故總別二門有無亦了如是已說依位法數  
具闕門次當說德患對量現宗門其相云何偈曰

起性止及今 變空壞并實 力龍如次對  
有似而取多

論曰治障照覆對量形相如其次第動起無常性火  
住法止持無常今光住法易變無常離礙住法散壞  
無常有實住法大力無常出與龍王以之爲量如偈  
起性止及今變空壞并實力龍如次對故如是對量  
一向轉耶俱量轉耶俱量應知如偈有似而取多故  
如是已說德患對量現宗門次當說隨次別釋廣說  
門且離礙門安布形相現示云何主伴治障當如何  
耶偈曰

離礙身體中	有五十一位	五十一位中
有三種總相	三種總相中	有十種別相
初五十一中	一一皆各各	具足十本數
最初主後伴	次初主後伴	如次應觀察

論曰就離礙中有五十一種金剛位就此位中有三種根本總相位就此總中有十種分離別相位如偈離礙身體中有五十一位五十一位中有三種總相三種總相中有十種別相故金剛諸位一一位中皆具本數如偈初五十一中一一皆各各具足十本數故主伴各二云何二主一者主主二者伴主云何二伴一者伴伴二者主伴言主主者是離礙故言伴主者第二轉故言伴伴者除五本法餘眷屬故言主伴者除其離礙餘四法故如偈最初主後伴次初主後伴如次應觀察故三種總相金剛位中云何安立謂初信心以為其始後禪陀地以為其終次第漸轉是故建立趣高上上轉去位後禪陀地以為其始第一信心以為其終次第漸轉是故建立向焉下下轉去位上下二門位位各各離邊中道決定安立是故建立自然安住中中位以此義故十種別相唯有上下不有終焉且依上門建立十位形相云何偈曰

信五事已經	至後後位故	一事究竟故
一味中轉故	治障一滅故	治障不俱故
一智斷智故	上下相照故	本無今有故
治障自辯故	無別一轉故	如次應觀察

論曰依趣高上上轉去門見十別位形相如何謂以五種非空住法對治五種虛假轉法如其次第無有超過漸漸轉故建立一向無超漸次位如偈信五事已經至後後位故故以五事治五事隨其所應一究竟故建立遁究竟盡不盡位如偈一事究竟故故以五事治五事不增不減不大不小一味平等中道實相故建立一切中際不動位如偈一味中轉故故以五事治五事隨障滅時其智慧體則便滅故建立雙立諸法俱滅位如偈治障一滅故故以五事治五事治起無障障起無治不能親近不能俱行不能及達故建立若一空當一有位如偈治障不俱故故以五事治五事治勝氣力變一切障爲治眷屬亦以勝力斷眷屬故建立能斷所斷悉智位如偈以智斷智故故以五事治五事隨其所應上位下位互相照達隨其所應斷除障故建立熏力相對相值位如偈上下相照故故以五事治五事隨所斷障虛妄無本安立位地亦無本故建立隨除障處立位位如偈本無今有故故以五事治五事治皆明淨障皆闇冥彼治斷事悉已成辨此障覆用悉已具足故建立真妄得邊有無位如偈治障自辯故故以五事治五事治障二

法無二無別一味平等一體一性一業一用故建立諸法一種一會位如偈無別一轉故故如是諸位如偈釋說專心觀察其理分明本趣具現如偈如次應觀察故是名爲依離礙門安立諸位總別現示上上差別次依下門建立十門形相云何偈曰

如前說十義 隨應當如如 壞得體歸空

漸次第轉故

論曰依向焉下下轉去門見十別位形相如何謂如前所說十種義中隨其所應順順如如壞其得體歸空本存故如偈如前說十義隨應當如如壞得體歸空故如是諸位爲一時轉前後轉耶以前後轉非一時故如偈漸次第轉故故於餘諸法如是如是隨隨如如說示造作應審觀察其別轉相是本存故是本主故皆悉各各如是二轉一時前後有二義故云何爲二一者建立轉前後定故二者本性轉無前後故是名爲二如前所說種種諸門同名異物住思應觀深里出興地藏大龍王大決擇分第八如是已說大海部藏道路大決擇分次當說深里出興地藏大龍王大決擇分其相云何偈曰

地藏龍王中 總有二種義 所謂德藏義

并及患藏義

論曰就深里出與地藏大龍王體中則有二義云何爲二一者功德本藏義二者過患本藏義言功德本藏義者此大龍王爲四非空根本藏故言過患本藏義者此大龍王爲四無常根本藏故如偈地藏龍王中總有二種義所謂德藏義并及患藏義故具二藏義地藏龍王居住何處其里幾量長短大小等諸形相當如何耶偈曰

處唵婆尸尼

里五十一量

長一千由旬

頭有婆多提

則有四種水

尾有舍伽必

則出四種風

色如玻瓈珠

論曰今此偈中爲明何義爲欲現示舉事現理開演本法大海故此大龍王居於何處謂居唵婆尸尼中故如偈處唵婆尸尼故出水入地去隔幾量謂從水底向地下入五十一由旬之量故如偈里五十一量故彼大龍王身長幾量一千由旬無增減故如偈長一千由旬故彼大龍王於其頭上有清白毫名曰婆多提從此毫端出四種水云何爲四一者中空水其出水塵空以爲內有以爲外而出生故二者方等水其出水塵四角量等無差違故三者常熱水其出水

塵於一切處於一切時常恒煥故四者耀明水其出  
水塵究明清白常恒今故是名爲四如偈頭有婆多  
提則出四種水故亦彼龍王於其尾末有一毛葉名  
曰舍伽必從此毛末出四種風云何爲四一者發塵  
風此風起時經多中間發起無量無邊塵故二者持  
塵風此風出時止住諸塵令安住故三者變珍風此  
風出時經多中間變諸金玉作砂石故四者壞珍風  
此風出時經多中間壞滅金玉作無有故是名爲四  
如偈尾有舍伽必則出四種風故彼龍身色譬如玻  
黎無有定色如偈色如玻黎珠故處庵婆尸尼者喻  
本性王無住本處里五十一量者喻真金位定數量  
品長一千由旬者喻本性王具千種德故有婆多提  
者喻本性王於諸淨品有作方便則出四種水者喻  
四非空尾有舍伽必者喻本性王於諸染品有作業  
用則出四種風者喻四無常色如玻黎珠者喻本性  
王染淨不攝如其次第應審思擇復次住處大海水  
底相去中間喻五十一種金剛位已具出現至大海  
時喻雜類趣息海浪時喻起善心時常起浪時喻惡  
心興時亦復住心應審觀察本行上地一味平等妙  
法無邊業用具足大海寶輪妙嚴王子修多羅中作

如足說生四道法不四道攝離絕中心生四輪法不  
四輪攝離絕中心而立名字說大方無明者隨所生  
法建立名故乃至廣說故  
大宗地玄文本論卷第三

大宗地玄文本論卷第四

馬 鳴 菩 薩 造

陳 眞 諦 三 藏 譯

深里出興地藏大龍王道路大決擇分第九

如是已說深里出興地藏大龍王大決擇分次當說

深里出興地藏大龍王道路大決擇分其相云何偈

曰

龍王道路中 總有二十法 謂二本藏中

各有十法故

論曰就深里出興地藏大龍王道路中總有二十中

自在法所以者何功德過患二種藏中各有十故如  
偈龍王道路中總有二十法謂二本藏中各有十法  
故故彼二十法名字形相當如何耶偈曰

功德本藏十 常壞俱及非 自他俱并非

無礙兼一全 過患本藏十 如一為無有

對利融上下 如次應觀察 如是二十法

一一皆各各 圓滿廣大故 與本存等量

論曰就功德本藏之體中則有十法能攝一切無量

功德云何為十一者本體自性決定常住不生不滅

逐離流轉功德品二者本體自性常恒移轉是生是

滅流轉俱行功德品三者決定常住常恒無常一特

俱轉無前後違功德品四者出常無常二事不攝自

體本性離脫亾行功德品五者十種自自攝一切法

無有所餘獨一無二一種一行功德品六者無體無

性從因緣起亦有亦無隨應變轉功德品七者無餘

究竟俱轉俱行不相捨離功德品八者非自非他絕

離有名任於非非自性決定功德品九者於一切法

隨應無礙自體自性法爾道理性造如是功德品十

者五根一一根五塵一一塵一切諸法亦復如是功

德品是名為十如偈功德本藏十常壞俱及非自他

俱并非無礙兼一全故就過患本藏之體中亦有十法能攝一切無量過患云何爲十一者於一切法隨順如如作逆事過患品二者造作諸法同一業用一作逆事過患品三者治道起時無有定體違作逆事過患品四者染淨諸法皆無所有無作逆事過患品五者一切諸法皆總有有作逆事過患品六者隨治同量如如現前對作逆事過患品七者由治道力自類增益利作逆事過患品八者由治道息發起自用融作逆事過患品九者待上轉者方得起用上作逆事過患品十者以隱藏時方得起用下作逆事過患品是名爲十如其次第住思止心專心觀察其理故明如偈過患本藏十如一違無有對利融上下如次應觀察故如是二十法與彼本方等無差別是故有二十種本藏無相違過所以者何其本藏中如是道理自然常有不從本藏長建立故何故處處皆存品字如前所說二十種法各有各有百眷屬類故是故言品例前應了如偈如是二十法一一皆各各圓滿廣大故與本存等量故如是已說建立名字門次當說所詮義理門且治及障對量差別當如何耶偈

曰

論

法苑珠林卷第...

三

南

如是二十法 一一皆各各 一德治諸過  
 諸過障一德 無有定次第 而數品類等  
 無失對量過 如理應觀察 如說本存法  
 說品類亦爾

論曰如前所說二十種法一一各各一德治一切障  
 一切障障一德無別對量如偈如是二十法一一皆  
 各各一德治諸過諸過障一德無有定次第故若如  
 是說今此門中對量軌則混成雜亂雖無別對量而  
 有總對量是故無失如偈而數品類等無失對量過  
 如理應觀察故如本品爾例前應了如偈如說本存  
 法說品類亦爾故如是已說治障對量差別門次當  
 說安立金剛位地門其相云何偈曰

此本法門中 亦有金剛位 依位有三門  
 謂上中下門

論曰就此本法門中亦有五十一金剛位如上所說  
 二十種法依位安立云何安立謂諸位中皆具二十  
 無有前後一時轉故然則此中有三種門云何為三  
 一者一向上轉門二者一向下轉門三者一向中轉  
 門是名為三如是三門各各一位中具足具轉不  
 待初後際故如說本法品類亦爾以此小門廣大迴

持應廣通達如偈此本法門中亦有金剛位依位有三門謂上中下門故

大龍王重重廣海無盡大藏大決擇分第十

如是已說深里出興地藏大龍王道路大決擇分次當說大龍王重重廣海無盡大藏大決擇分其相云何偈曰

廣海大藏中 總有三種重 謂初中後重

初重有二十 二億十方界 量法門大海

二十種本藏 各生一萬量 各別百眷屬

各生一千故 是故數圓滿 住心應觀察

中後重倍此 應廣通達故

論曰就大龍王重重廣海無盡大藏之自家中總有三重能攝諸位云何為三一者初第一有重二者中安住居重三者後建立轉重是名為三就第一重中則有二十二億十方世界之量種種勝妙法門大海此義云何謂二十種本藏法中一一各各出生一萬法門大海各各別別百眷屬中一一各各出生一千安住其心定止其思聰明觀察其數量理及所詮意現了分明如偈廣海大藏中總有三種重謂初中後

重初重有二十二億十方界量法門大海二十種本  
 藏各生一萬量各別百眷屬各生一千故是故數圓  
 滿住心應觀察故次二種重如其次第倍前普布應  
 廣通達如偈中後重倍此應廣通達故大摩尼寶  
 藏陀羅尼修集修多羅中作如是說龍龍地地大無  
 盡海藏中有十方之量法門軌則品類最初名爲  
 轉大法輪具足一海無極無盡引導光明現照地地  
 本業本用出生增長軌則大海法門最後名爲有性  
 無性無我空理大利益廣光明亦離脫亦合轉具足  
 具足無邊摩訶行種地本藏法雨騰門出興上未品  
 類法門唯取一界以爲譬喻非取塵等乃至廣說故  
 無盡無窮塵塵數量道路大決擇分第十一  
 如是已說大龍王重重廣海無盡大藏大決擇分次  
 當說無盡無窮塵塵數量道路大決擇分其相云何  
 偈曰

塵塵道路中 如前所說量 亦有五十一  
 決定金剛位 依此位立相 則有十種重  
 以爲道路量 二因一果等

論曰就此門中有幾數位五十一種真金剛位具足  
 圓滿無闕失故如偈塵塵道路中如前所說量亦有

五十一決定金剛位故此位中則有十種變對法  
 門能攝門量云何為十一者二因一果門二者一因  
 一果門三者少因多果門四者因果一味門五者無  
 因無果門六者自然安住門七者因果門八者果因  
 門九者言說門十者言人門是名為十如是十門以  
 為門量如偈依此位立相則有十種重以為道路量  
 二因一果等故彼第一門形相如何偈曰

以信心為初 如次率自類 取所餘位初

至於定心位 則取如來地 亦如其次第

不退心為初 率同品自類 取餘位第二

至於願心位 亦取如來地 修行位為初

如次率自類 取餘位第三 至於正心位

亦取如來地 不退位為初 如次率自類

取餘位第四 至灌頂住位 亦取如來地

離癡行為初 如次率自類 取餘位第五

至於無著行 亦取如來地 尊重行為初

如次率自類 取餘位第六 至於真實行

亦取如來地 隨順觀眾生 迴向以為初

如次率自類 取所餘四位 各數量契當

餘有如來地 以同地為伴 莊嚴一覺海

各因及果稱 配釋廣觀察 其理當分明

論曰今此門中爲門何義爲欲現示五十一位皆爲同量以二種因感得一果廣三寶海無窮盡故此義云何所謂信心及發心地之二種因同一行相不相捨離俱行合轉住一所作起無量具生無邊德具足莊嚴一大覺海能生長因名爲最上第一出生增長決定真實本藏原母遠離繫縛莊嚴無勝地種子海會所莊嚴果名爲具足真金剛圓滿大慈悲法身虛空等無差別最初地地無上極海一盡大覺無二山王次念心地歡喜行地之二種法能長養因具足莊

嚴一大覺海因名爲安樂常明決定增長無苦無妄自然照達一切法性無所障礙種子海會果名爲常樂總明大虛空界甚深恒了無二山王次精進心地救護一切衆生廻向地之二種法能長養因具足莊嚴一大覺海因名爲發起殊勝大悲光水遠離懈怠常度常行本地自性具足通達種子海會果名爲慈悲光明常恒達慧無二山王次慧心地逆流歡喜地之二種法能長養因具足莊嚴一大覺海因名爲大真金剛日月光明自性離苦除斷闇品種子海會果名爲極極重地無上一體自然窮了無二山王次定

心地大極地地之二種法能長養因具足莊嚴一大  
覺海因名爲決定安寂遠離散亂照曜無窮水水火  
火種子海會果名爲寂圓滿地具足德藏無二山王  
如是諸佛皆悉各各作三大事云何爲三一者興化  
二者說法三者勝進言興化者出興一十方世界之  
塵量變化身故言說法者宣說一十方世界之塵量  
發心信地法門海故言勝進者向上上位如次入故  
是名爲三就變化中亦皆各各有此三事應廣通達  
如是如是隨隨如如後後諸位例前應知如偈以信  
心爲初如次率自類取所餘位初至於定心位則取  
如來地故如是已說二因一果門次當說一因一果  
門其相云何偈曰

五十一種位 各不待他力 獨住自家中

感得一果故 因及果名字 如其次第加

種子大覺故 配釋應了知 次第同前說

增減不同耳

論曰今此偈中爲明何義爲欲現示因果二法數量  
契當莊嚴覺道三寶之海轉廣大故如偈五十一種  
位各不待他力獨住自家中感得一果故因及果  
稱於本名字加種子大覺之稱故如偈因及果名字

如其次第加種子大覺故配釋應了知故次第轉相與前所說等無差別唯增數量減數量別各不同耳如偈次第同前說增減不同耳故如是諸佛皆悉各各作三大事名同前說義有不同言興化者出興十方世界之塵量變化身故言說法者宣說十十方世界之塵量各各因位法門海故言勝進者向上上上位如次入故就變化身中亦有此三事應廣通達如是已說一因一果門次當說少因多果門其相云何偈曰

五十一位中 一一皆各各 感五十果位

名少因多果

論曰今此門中為明何義為欲現示唯一種因感五十果無礙自在無所闕失三寶之海轉廣大故如偈五十一位中一一皆各各感五十果位名少因多果故如是諸佛皆悉各各作三大事名如前說義有不同言興化者出興百十方世界之塵量變化身故言說法者宣說百十方世界之塵量各各因位法門海故言勝進者向上上上位如次入故就變化中有此三事應廣通達如是已說少因多果門次當說因果一味門其相云何偈曰

五十一位中 一一皆各各 有五百果海  
 五百果海中 一一皆各各 有五百因海  
 如是平等故 名因果一味

論曰今此門中為明何義為欲現示因果二法數量  
 契當無有增減三寶之海轉廣大故如偈五十一位  
 中一一皆各各有五百果海五百果海中一一皆各  
 各有五百因海如是平等故名因果一味故如是諸  
 佛所作三事亦復同前唯義異耳所謂千故變化身  
 相亦復如是如是已說因果一味門次當說無因無  
 果門其相云何偈曰

五十一位法 非因亦非果 生千因果法

名無因無果

論曰今此門中為明何義為欲現示五十一位因而  
 不有果因出生千因之大海果而不有因果出生千  
 果之大海三寶之海轉光大故如偈五十一位法非  
 因亦非果生千因果法名無因無果故如是諸佛所  
 作三事亦復同前唯義異耳所謂萬故如是已說無  
 因無果門次當說自然安住門其相云何偈曰  
 五十一位中 一一皆各各 經無量劫轉  
 不出自家故

論曰今此門中爲明何義爲欲現示位位皆各經無量劫以修行成道等事轉無其分際三寶之海轉廣大故如偈五十一位中一一皆各各經無量劫轉不出自家故故如是諸佛所作三事亦復同前唯義異耳所謂億故如是已說自然安住門次當說因果門其相云何偈曰

生五十一位 生五十一位 所生無盡故  
名爲因果門

論曰今此門中爲明何義爲欲現示能生能生無有窮盡所生所生無有窮盡三寶之海轉廣大故如偈生五十一位生五十一位所生無盡故名爲因果門故如是諸佛所作三事亦復同前唯義異耳謂十億故如是已說因果門次當說果因門其相云何偈曰此義例前了 無別意趣耳 唯有數量增

住心應觀察

論曰今此門中爲明何義爲欲現示五十一位亦因亦果各生無盡無盡因果大海法門三寶之海轉廣大故如偈唯有數量增故如是諸佛所作三事亦復同前唯義異耳謂百億故如是已說果因門次當說言說門其相云何偈曰

一切三寶海 皆悉起言說 無有窮盡故

名爲言說門

論曰今此門中爲明何義爲欲現示一切三寶皆悉各各宣說無盡僧海無盡法海無盡覺海三寶之海轉廣大故如偈一切三寶海皆悉起言說無有窮盡故名爲言說門故如是諸三寶所作三事亦復同前唯義異耳謂千億故如是已說言說門次當說言人門其相云何偈曰

一切三寶說 如說量作人 無有窮盡故

名爲言人門

論曰今此偈中爲明何義爲欲現示如前所說諸三寶說如所說量造作行者無有窮盡三寶之海轉廣大故如偈一切三寶說如說量作人無有窮盡故名爲言人門故如是諸人成道已訖所作三事亦復同前唯義異耳謂萬億故大明總持具足心地修多羅中作如是說譬喻十方無際無本無始無終道行足履地地法藏中有十種殊勝轉轉增長倍倍具足圓滿廣大法門海會乃至廣說故

第十二

如是已說無盡無窮塵塵數量道路大決擇分次當說不可思議不可稱量俱俱微塵本大山王大決擇分其相云何偈曰

不思議海中 則有三種法 謂三重倍故 配釋應了知

論曰就不可思議本大山王體性中則有三種云何為三一者法寶數量倍二者僧寶數量倍三者佛寶數量倍是名為三增幾數量作倍義耶謂增億億十方世界之微塵數是三寶海故如其次第依道路十增一種倍應審觀察如偈不思議海中則有三種法

謂三重倍故配釋應了知故末末三倍依本家說應廣通達心地修多羅中作如是說俱塵無上不可思議根本性海分中具足圓滿億億大方三德大海以大方分建立大方乃至廣說故道路大決擇分第十大方地玄文本論卷第四

音釋

禪篇韻  
無考

已說不可思議不可稱量俱俱微塵本大山王次當說不可思議俱俱微塵一切山王道

大方廣華嚴經疏

北

音響 則有三種法 謂三重倍故

音響 四釋應了知

大宗此支文本論卷第四土體性中則有三種云何  
大丈分數立大丈代至實猶姑實數量倍二者佛實  
難財本到幾分中具只圓漸漸大丈三斷大幾以  
實難心此分多羅中於收其端具塵無土不可思  
隨三重奇姑彌野識了映姑未末三奇姑本定備白

大宗地玄文本論卷第五 第六同卷

馬 鳴 菩 薩 造

陳 眞 諦 三 藏 譯

不可思議俱俱微塵一切山王道路大決擇分第十  
三

如是已說不可思議不可稱量俱俱微塵本大山王  
大決擇分次當說不可思議俱俱微塵一切山王道  
路大決擇分其相云何偈曰

微塵道路中 有十方界量 五十一本位  
名與前說等 一五十一中 一一皆各各

論

天宗地玄文本論卷第五

一

十南

有十方界量 障治三寶海 如一餘亦爾

配此應了知

論曰就俱俱微塵道路中則有一十方世界之數量  
五十一根本位其名字量與前說等無有差別如偈  
微塵道路中有十方界量五十一本位名與前說等  
故就一五十一種位中一一各各有十方世界之數  
量煩惱大海對治大海僧寶大海法寶大海佛寶大  
海具足轉故如偈一五十一中一一皆各各有十方  
界量障治三寶海故如說一五十一種位餘一切位  
亦復如是如偈如一餘亦爾配此應了知故如是已  
說現示本體安立門次當說現示上末轉相門其相  
云何偈曰

今此道路佛 出興小無量 法及化大海

第二轉覺者 出興中無量 法及化大海

第三轉覺者 出興大無量 法及化大海

後後諸轉中 如次第無超 漸漸增數量

論曰依一本信出興覺者總有一十方世界之數量  
其中一佛成道已訖則便出興小無量十方世界之  
微塵數量無礙自在化身大海如是數量信心大海  
如偈今此道路佛出興小無量法及化大海故依此

佛身出興化身總有小無量十方世界之微塵數量  
 其中一佛出興已訖則便出興中無量十方世界之  
 微塵數量無礙自在化身大海如是數量信地大海  
 如偈第二轉覺者出興中無量法及化大海故依此  
 化身出興化身總有中無量十方世界之微塵數量  
 其中一佛出興已訖則便出興大無量十方世界之  
 微塵數量無礙自在化身大海如是數量信地大海  
 如偈第三轉覺者出興大無量法及化大海故如是  
 如是隨隨如如後諸轉中如次無超漸漸增數如偈  
 後後諸轉中如次第無超漸漸增數量故舉此一隅

應廣通達本品足地智修多羅中作如是說大地微  
 塵譬喻大海履行無住法門第一轉中小無量大方  
 微塵之數品第二轉中中無量品第三轉中大無量  
 品第四轉中無邊無量品第五轉中無數無量品第  
 六轉中無量無量品第七轉中不可計量無量品第  
 八轉中具足無量品第九轉中不可說無量品第十  
 轉中不可思議無量品乃至廣說故

一切虛空一切微塵數量高王大決擇分第十四  
 如是已說不可思議俱微塵一切山王道路大決  
 擇分次當說一切虛空一切微塵數量高王大決擇

分其相云何偈曰

虛空微塵中 則有十方量 十方塵空量

五十一本位 一五十一中 一一皆各各

有如前說量 障治三寶海

論曰就一切虛空一切微塵數量高王分中則有十方世界之塵量十方世界之塵量五十一種根本位如偈虛空微塵中則有十方量十方塵空量五十一本位故就一五十一種根本位中一一各各有十方世界之塵量十方世界之塵量十方世界之塵量十方虛空之塵量煩惱大海對治大海僧寶大海法寶大海佛寶大海具足轉故如偈一五十一中一一皆各各有如前說量障治三寶海故如是已說現示本體安立門次當說現示上末轉相門其相云何偈曰

此本王覺者 前數倍十重 興化宣說法

大聰明能了 後後諸轉中 如次第無超

漸漸增數量 轉勝廣大轉

論曰今此門中為明何義為欲現示依一本信出興覺者其中一佛譬喻譬喻之數量增益十重出興變

化宣說信地後後轉中漸漸增數百千萬億乃至無量無窮盡故如偈此本王覺者前數倍十重興化宣說法大聰明能了後後諸轉中如次第無超漸漸增數量轉勝廣大轉故地智修多羅中作如是說可一總持大周遍王之自體轉相無量無邊譬喻量說轉化時中漸增數量滿玄數量乃至廣說故

獨地非亂一定一定道路大決擇分第十五  
 如是已說一切虛空一切微塵數量高王大決擇分  
 次當說獨地非亂一定一定道路大決擇分其相云  
 何偈曰

非亂道路中 亦有金剛位 一一位各各  
 有本存一故 一百二數成 依位立轉相  
 則有五種重 謂上一本一 俱轉及不雜  
 圓滿具足位

論曰就獨地非亂一定一定道路分中亦有五十一種真金剛位一一位位皆悉各各有本存一以此義故一百二數成立而已如偈非亂道路中亦有金剛位一一位各各有本存一故一百二數成故依如是位建立轉相則有五種云何為五一者上上一一轉相門二者本本一一轉相門三者俱行不離轉相門

論  
 卷第五  
 五  
 南

四者區區不雜轉相門五者圓滿具足轉相門是名  
為五如偈依位立轉相則有五種重謂上一本一俱  
轉及不雜圓滿具足位故第一轉相形相如何偈曰

五十一種位 一各攝五十 一時一處轉

然不可合一

論曰云何名為上一門所謂五十一種位一一位  
位各攝五十一時處轉若爾合集應作一體各別一  
轉不可合一如偈五十一種位一各攝五十一時一  
處轉然不可合一故如是已說上上一轉相門次  
當說本本一一轉相門其相云何偈曰

五十一本 一各攝五十 一時一處轉

然不可合一

論曰云何名為本一一門所謂五十一種本一一種  
本一各攝五十一時處轉若爾合集應作一體各別  
一轉不可合一如偈五十一本一一各攝五十一時  
一處轉然不可合一故如是已說本本一一轉相門  
次當說俱行不離轉相門其相云何偈曰

本一及上一 互各攝諸位 俱轉不捨離

然不可合一

論曰云何名為俱行轉門所謂本一五十一法一一

各各攝上一五十一法上一五十一法亦能攝彼本  
俱行俱轉不相離故然各別別一時處轉不可合一  
如偈本一及上一互各攝諸位俱轉不捨離然不可  
合一故如是已說俱行不離轉相門次當說區區不  
雜轉相門其相云何偈曰

本上一切位 一一皆各各 安住自家中

不攝他法故

論曰云何名爲區不雜門所謂所有一切種種本上  
諸位一一各各唯安住自家中亦不移轉亦不出入  
亦不攝他亦不定常常恒具足遍廣大故如偈本上

一切位一一皆各各安住自家中不攝他法故故  
是已說區區不雜轉相門次當說具足圓滿轉相門  
其相云何偈曰

前所說四門 一切時處等 無礙自在轉

各具足圓滿

論曰云何名爲具足轉門所謂如前所說四門一時  
轉一處轉異時轉異處轉一轉離轉總轉別轉無礙  
自在故如偈前所說四門一切時處等無礙自在轉  
各具足圓滿故摩訶衍大陀羅尼金剛神咒修多羅  
中作如是說一一一切一切離雜有無一稱一量法

藏門海中總有二法云何爲二一者是總二者是別  
言別者四種俱輪地故言總者四種俱輪自在轉故  
乃至廣說故

獨地獨天一種廣大無二山王大決擇分第十六  
如是已說獨地非亂一定一定道路大決擇分次當  
說獨地獨天一種廣大無二山王大決擇分其相云  
何偈曰

此山王體中 則有二種門 謂自性本本  
如次應觀察

論曰就此獨地獨天一種廣大無二山王體中則有  
二門云何爲二一者本一自性位地門二者本一之  
本位地門是名爲二如其次第應審觀察如偈此山  
王體中則有二種門謂自性本本如次應觀察故自  
性位地形相如何偈曰

彼本一法中 不待他自然 有五十一位  
是各自性位 如是五十一 一一皆各各  
有五百法門 周遍廣大轉

論曰云何名爲自性位地所謂如前所說五十一種  
本一法中一一各各不待他力自然自性有五十一  
真金剛位是故說言自性位地如偈彼本一法中不

待他自然有五十一位是名自性位故如是各各五十一位一一各各有五百法門之大海亦周遍轉亦廣大轉如偈如是五十一一皆各各有五百法門周遍廣大轉故於此位中亦如前說五種大門具足具足圓滿圓滿應審思擇如是已說本一自性位地門次當說本一之本位地門其相云何偈曰

五十一本法 亦各有本法 名空空空一  
此中亦有位

論曰本一所依空空空一中亦有諸位一一位位皆悉各各十萬法門具足圓滿無闕失轉於此位中亦有前說五種大門具足具足圓滿圓滿應審思擇品論修多羅中作如是說禪定摩訶衍體中則有三大門云何爲三一者上地安立廣大海會門二者宗本有有有一門三者根本空空空一門如是三門皆有諸位具足圓滿同轉異轉等乃至廣說故獨一無二山王自在道路大決道路大決擇分第十七如是已說獨地獨天一種廣大無二山王大決擇分次當說獨一無二山王自在道路大決擇分其相云何偈曰

自在道路中 總有千重轉 謂本上一中

各各五百故

論曰就此無二山王自在道路分中總有千重差別轉相所謂本上中各各五百故如偈自在道路中總有千重轉謂本上一中各各五百故故本轉形相當如何

向本一下轉 一空一有轉 乃至第五百餘位亦如是

論曰今此偈中爲明何義爲欲現示依本一門向下轉有一金剛空一金剛如其次第一現前漸漸轉入乃至第五百如是亦復餘諸位中漸漸轉入乃至第五百無有窮盡無有邊際無有始終具足具足

圓滿廣大常恒轉故如偈向本一下轉一空一有轉乃至第五百餘位亦如是故上轉形相例此應知因明性德修多羅中作如是說無二一天父子法藏上上轉去有其始終無有窮盡下下轉入有其始終無有窮盡有始終者從信等位起至五百量故無窮盡者法藏之海極廣大故乃至廣說故

摩訶無二山王最勝高頂一地大決擇分第十八如是已說獨一無二山王自在道路大決擇分次當說摩訶無二山王最勝高頂一地大決擇分其相云

何偈曰

本上無窮盡 建立如是名 所餘一切位

亦如是應知

論曰今此偈中爲明何義爲欲現示本本無窮上上無窮本上無窮上本無窮一一無窮多多無窮同無窮異無窮等等無窮別別無窮有窮無窮無窮周遍廣大具足圓滿故如偈本上無窮盡建立如是名所餘一切位亦如是應知故摩訶衍海修多羅中作如是說禪定摩訶衍海中一千二百無窮盡品具足轉乃至廣說故

大宗地玄文本論卷第五





大宗地玄文本論卷第六

馬鳴菩薩造

陳真諦三藏譯

飄回陀尸梵迦諾道路大決擇分第十九

如是已說摩訶無二山王最勝高頂一地大決擇分  
次當說飄回陀尸梵迦諾道路大決擇分其相云何

偈曰

飄回道路中 七變對修行 以為道路量

無有餘行相

論曰今此偈中為明何義為欲現示飄回道路中唯

以七變對爲其界量無餘相故如偈羈回道路中七變對修行以爲道路量無有餘行相故云何名爲七變修行相如何偈曰

七變有三種 功德過患等 五十一位中

上下七變轉 增長功德品 及諸煩惱海

論曰七變修行總有幾數有三種故云何爲三三者功德七變二者過患七變三者等量七變是名爲三如偈七變有三種功德過患等故言變相者五十一種金剛位中向上上轉向下下轉具足七變增長功德增長過患廣大轉故如偈五十一位中上下七變轉增長功德品及諸煩惱海故五過患七變形相如何耶偈曰

最第一變中 上各增百數 下各增千數

各障一二德 後六變如次 增倍倍數轉

論曰第一變中增幾數轉障幾淨法謂上轉時中一位位各增百數煩惱品類障一淨法若下轉時中一位位各增千數煩惱品類障二淨法如偈最第一一變中上各增百數下各增千數各障一二德故後六變中功德過患如其次第增倍數故如偈後六變如次增倍倍數轉故如是已說現示過患七變門次

當說現示功德七變門其相云何偈曰

最第一變中 上各增一德 下各增二億  
漸漸次第轉 後六變如次 增倍倍數轉  
不壞患數量 爲功德變作

論曰第一變中增幾數轉謂上轉時中一一位位各增一億數功德品類漸漸而轉若下轉時中一一位位各增二億數功德品類漸漸轉故如偈最第一變中止各增一億下各增二億漸漸次第轉故後六變中如其次第增倍數故如偈後六變如次增倍倍數轉故如是功德煩惱品類爲斷不斷唯變作轉不動

壞故如偈不壞患數量爲功德變作故如是已說現示功德七變門次當說現示等量人變門其相云何偈曰

最第一變中 各上增一千 各下增二萬  
等數量漸轉 後六變如次 增倍倍數轉  
無斷障差別 唯對量建立

論曰第一變中增幾數轉謂上轉時中一一位位各增一千如次第轉若下轉時中一一位位各增二萬如次第轉如偈最第一變中各上增一千各下增二萬故其數量品有增減不唯平等量非差別量如偈

等數量漸轉故後六變中如其次第增倍數轉謂一倍故如偈後六變如次增倍倍數轉故如是七變亦無照相亦無覆相唯平等量分建立如偈無斷障差別唯對量建立故此中次第功德七變以爲其終應審觀察甚深種子修多羅中作如是說明達裏藏中唯有三變以七爲量不增不減譬如七步蛇七葉樹法爾道理初唯染品中染淨俱後唯淨品乃至廣說故

毘面陀尸梵迦諾本王本地大決擇分第二十

如是已說毘面陀尸梵迦諾道路大決擇分次當說

毘面陀尸梵迦諾本王本地大決擇分其相云何偈

曰

此本王體中 有三種百變 各次第如前  
等無有差別

論曰就此本王體中則有三種百變修行名及次第如前所說如偈此本王體中有三種百變各次第如前等無有差別故如是三變形相如何偈曰

如是三變中 初各如次第 十千百億數  
後九十九變 如次增倍數 漸漸次第轉

論曰就過患百變門中上及并下第一變中增十億

數次第漸轉就功德百變門中上及并下第一變中  
 增千億數次第漸轉就等量百變門中上并及下第  
 一變中增百億數次第漸轉如偈如是三變中初各  
 如次第第十千百億數故後九十九變中皆悉各各如  
 其次第增倍數轉如偈後九十九變如次增倍數漸  
 漸次第轉故大海山土地地品類修多羅中作如是  
 說如來藏體中有三流轉品以百數爲量無超次第  
 漸漸轉去如是三中初功德少其過患多中數量等  
 後唯功德乃至廣說故  
 覲尸梵諾本王道路大決擇分第二十一

如是已說羈回阨尸梵迦諾本王本地大決擇分次  
 當說覲尸梵諾本王道路大決擇分其相云何偈曰  
 本王道路中 有三種千變 名如前說量  
 各初變如次 增百千萬意 各後一切變  
 如次倍數轉 住心應觀察  
 論曰就覲尸梵諾本王道路分中則有三種千變修  
 行其各次第同前所說如偈本王道路中有三種千  
 變名如前說量故如是三種第一變中如其次第增  
 百億千億萬億數上下一量漸漸轉故如偈各初變  
 如次增百千萬億故各後諸變如其次第增倍數轉

論

大業地志卷之九

五

南

應審思擇如偈各後一切變如次倍數轉住心應觀  
察故則修多羅中作如是說如來藏佛輪下門中有  
三種修行數以千爲量如是三品以多億轉出生增  
長廣大周遍法門海藏乃至廣說故

摩訶覲尸梵諾母原主天王大決擇分第二十二

如是已說覲尸梵諾本王道路大決擇分次當說摩  
訶覲尸梵諾母原主天王大決擇分其相云何偈曰

摩訶天王中 有三種億變 各次第如前

各初變如次 一二三十方 世界數量轉

所餘一切變 如次倍數轉

論曰就摩訶主天王體中則有三種億變修行名字  
次第同前所說如偈摩訶天王中有三種億變各次  
第如前故如是三種第一變中如其次第增一十方  
二十方三十方數轉如偈各初變如次一二三十方  
世界數量轉故餘一切變如其次第倍數轉故如偈  
所餘一切變如次倍數轉故總名法轉大輪修多羅  
中作如是說佛陀摩訶本藏王地地中則有三行云  
何爲三一者下億轉行二者中億轉行三者上億轉  
行初行出生一大方界量下眷屬海中行出生二大  
方界量等俱轉海後行出生三大方界量上眷屬海

乃至廣說故

一種功德純純無雜大圓滿地道路大決擇分第二十三

如是已說摩訶薨尸梵諾母原主天王大決擇分次當說一種功德純純無雜大圓滿地道路大決擇分其相云何偈曰

功德道路中 有二千五百 五十法門海

五十一位中 一一皆各各 具五十位故

亦一位中 有性相本末 一萬二百數

修多羅中說 總一萬二千 七百五十數

取彼總本數 如法應觀察 以如是數量

爲道路分界

論曰就一種功德純純無雜大圓滿地道路分中總有二千五百五十法門大海甚深甚深廣大廣大如偈功德道路中有二千五百五十法門海故以何義故數如是成應可了知所謂五十一位之中一一各各具五十故此義云何所謂第一信心五十分心乃至五十如來心各差別故如偈五十一位中一一皆各各具五十位故故亦一一一位位各各具足性相本末之四法故一萬二百數成立而已如是此中云何

音  
比疑  
差別謂如其次第不可思議說故明了現覺說故能  
生長因說故所生長果說故如偈亦一一位中有性  
相本末一萬二百數故若爾此方說又云何通耶謂  
金剛等地一行三昧修多羅中作如是說無雜無亂  
一一同同非惡非患吉祥地地軌則門中總有一萬  
二千七百五十法門彼修多羅中如是說者總別總  
故如偈修多羅中說總一萬二千七百五十數取彼  
總本數如法應觀察故今此道路以之爲量有別法  
門唯以此數爲其極量無別法門如偈以如是數量  
爲道路分界故

一種功德摩訶本地明白離惡品藏大決擇分第二

十四

如是已說一種功德純無雜大圓滿地道路大決  
擇分次當說一種功德摩訶本地明白離惡品藏大  
決擇分其相云何偈曰

此品偈及下文第二十五分前梵本元闕

一行門二者豎轉無雜一路門是名爲二如是二門  
以爲門量如偈本地道路中則有二種門謂橫轉豎  
轉以之爲門量故且橫門形相如何偈曰

四種事位中 有總及別中 各增十重轉  
無前後一時 其法門數量 例前應了知

論曰今此偈中爲明何義爲欲現示性相本末四種事中各各有總別之位中一位位皆悉各各增十重數無前無後一時俱轉則是橫轉遍到俱行門形相故如偈四種事位中有總及別中各增十重轉無前後一時故此數量亦復轉勝超過前量配例應了如偈其法門數量例前應了知故如是已說橫轉遍到俱行門次當說豎轉無雜一路門其相云何偈曰  
前說諸位中 如次不超過 各增十重轉

一明究竟故

論曰今此偈中爲明何義爲欲現示如前所說總別

位中如其次第無有超過一一各各增十重轉一事明了一事究竟亦無雜亂亦無合集一向明轉豎轉無雜一各門形相故如偈前說諸位中如次不超過各增十種轉一明究竟故故大金剛寶王法界印藏修多羅中作如是說復次文殊師利寶王道品者以二事轉云何爲二一者一區轉二者具面轉言一區者道雖廣多先一道量永究竟故言具而者所有諸道一時行故乃至廣說故  
六 摩訶寶輪王廣大圓滿無上地地大決擇分第二十

如是已說摩訶本地具足品藏非患道路大決擇分  
次當說摩訶寶輪王廣大圓滿無上地地大決擇分  
其相云何偈曰

總別無盡故 建立本法體

論曰今此偈中爲明何義爲欲現示本法體中以總  
攝別以別攝總以總攝總以別攝別能攝所攝無有  
窮盡法門大海甚深廣大義理詮趣周遍圓滿究竟  
自在故如偈總別無盡故建立本法體故摩訶衍地  
藏無上極說不可思議心地品論修多羅中作如是  
說寶山海中同類無盡別類無盡具足圓滿無有窮

盡無有始終無有邊際無有分界亦廣大相亦小狹  
相乃至廣說故

大藏經玄奘疏卷第六

音釋

翻丙英切回方膺切競甘火切

論  
大宗地玄文本論卷第七  
一  
北

大宗地玄文本論卷第七  
第八  
同卷  
馬鳴菩薩造  
陳真諦三藏譯  
繫縛地地品類不吉祥道路大決擇分第二十七  
如是已說摩訶寶輪王廣大圓滿無上地地大決擇  
分次當說繫縛地地品類不吉祥道路大決擇分其  
相云何偈曰  
繫縛道路中 亦有金剛位 依位立轉相  
則有四種法 謂能所障果 如是四種法  
皆悉有為量 如法應觀察

大宗地玄文本論卷第七 第八同卷

馬鳴菩薩造

陳真諦三藏譯

繫縛地地品類不吉祥道路大決擇分第二十七  
如是已說摩訶寶輪王廣大圓滿無上地地大決擇  
分次當說繫縛地地品類不吉祥道路大決擇分其  
相云何偈曰  
繫縛道路中 亦有金剛位 依位立轉相  
則有四種法 謂能所障果 如是四種法  
皆悉有為量 如法應觀察

論  
大宗地玄文本論卷第七  
一  
南

論曰就繫縛地地品類不吉祥道路分中亦有五十一  
 一金剛位依此諸位建立轉相有四種法云何為四  
 一者能證智法二者所證理法三者障礙事法四者  
 證得果法是名為四如是四法皆有為量應審思擇  
 如偈繫縛道路中亦有金剛位依位立轉相則有四  
 種法謂能所障果如是四種法皆悉有為量如法應  
 觀察故如是四法各有幾數其轉形相當如何耶偈  
 曰

各有二種法 謂本始體相 生滅及增減  
 轉相唯上上

論曰四種法中各有二種云何二智一者本古性德  
 智二者始今起德智是名為二云何二理一者體有  
 實理二者相有實理是名為二云何二障一者本生  
 本生障二者本滅本滅障是名為二云何二果一者  
 增長功德果二者損減過患果是名為二如偈各有  
 二種法謂本始體相生滅及增減故修行轉相唯上  
 上故如偈轉相唯上上故障治證果對量差別形相  
 如何偈曰

本生體增對 始滅相減對 從多亦通了  
 如法應觀察

論曰本古性德智斷除本生本生障證得體有實理  
成就增長功德果如偈本生體增對故始今起德智  
斷除本滅本滅障證得相有實理成就損滅過患果  
如偈始滅相滅對故如是四法五十一種真金位中  
皆悉具足應審思擇唯一向轉俱種種轉耶俱種轉故  
如偈從多亦通了如法應觀察故生滅二障業用差  
別形相如何偈曰

本主生滅時 勝生勝滅故

論曰功德善根出與對治轉勝出與轉勝對滅作逆  
事故如偈本主生滅時勝生勝滅故故大金山寶

海會衆修多羅中作如是說復次文殊師利汝前所  
問云何名爲諸法無常一道一種第一轉門者以四  
無常故我作如是唱云何爲四一者智無常二者理  
無常三者無常無常四者上果無常是名爲四文殊  
師利言智無常者斷煩惱故言理無常者所證故言  
無常無常者被斷除故言果無常者待因力故乃至  
廣說故

繫縛地地自然本王摩訶縹品大決擇分第二十八  
如是已說繫縛地地品類不吉祥道路大決擇分次  
當說繫縛地地自然本王摩訶縹品大決擇分其相

云何偈曰

自然本王中 有爲無爲法 具足圓滿轉

此中具上下

論曰就自然本王摩訶縞品分中則有二轉云何爲  
二一者有爲轉二者無爲轉是名爲二如偈自然本  
王中有爲無爲法具足圓滿轉故亦有二轉云何爲  
二一者上轉二者下轉是名爲二如偈此中具上下  
故有爲無爲各有幾數上下轉相當如何耶偈曰

無爲唯有一 有爲有二種 如次實本始  
上下無爲主 出生二有爲 轉勝廣大轉

論曰無爲有一有爲有二一謂有實故二謂本始故  
如偈無爲唯有一有爲有二種如次實本始故如是  
三法五十一種金剛位中亦上亦下增長功德轉相  
云何謂上時中一位位無爲法主皆悉各各出生  
增長一萬本始清妙覺慧其下時中一位位皆悉  
各各二億本始清妙覺慧具足圓滿出生增長如是  
如是如如上下至小無量如說本存眷屬亦爾如偈  
上下無爲主出生二有爲轉勝廣大轉故如其次第  
增數應知品地經論修多羅中作如是說世間藏地  
本王海無常功德衆多無數常住功德其數微少

是故說言世間藏地乃至廣說故

自然本王廣大轉地無障無礙俱行道路大決擇分

第二十九

如是已說繫縛地自然本王摩訶縵品大決擇分

次當說自然本王廣大轉地無障無礙俱行道路大

決擇分其相云何偈曰

本王道路中 依位漸漸轉 一主生二伴

至中無量故 數變皆悉通 如法應觀察

論曰就自然本王廣大轉地無障無礙俱行道路分  
中依五十一位如其次第亦上亦下漸漸轉行無為

法主生二有為若上若下增中無量數至中無量變

故如偈本王道路中依位漸漸轉一主生二伴至中

無量故數變皆悉通如法應觀察故部宗花品修多

羅中作如是說行藏海中有一常德其數無量行藏

海中有二無常功德品類其數無量亦昇亦抃其數

無量乃至廣說故

最極廣大俱行山王無盡海海大決擇分第三十

如是已說自然本王廣大轉地無障無礙俱行道路

大決擇分次當說最極廣大俱行山王無盡海海大

決擇分其相云何偈曰

無盡海海中 依位漸漸轉 一主生二伴

至大無量故 數及變例前 應廣通達焉

論曰就無盡海海藏中依五十一位如其次第亦上

亦下無為法主出生增長二有為法增大無量數至

大無量變故如偈無盡海海中依位漸漸轉一主生

二伴至大無量故數及變例前應廣通達焉故彼修

多羅中作如是說行常山王海中有三種大無量云

何為二一者常大無量二者無常大無量三者轉變

大無量乃至廣說故

出離繫縛地清白解脫道路大決擇分第三十一

如是已說最極廣大俱行山王無盡海海大決擇分

次當說出離繫縛地清白解脫道路大決擇分其相

云何偈曰

解脫道路中 有二十無為 謂十空十有

如是諸無為 五十一位中 皆悉具足有

依法位立轉 有二重重超

論曰就出離繫縛地清白解脫道路分中則有二十

無為常法所謂十空十有無為各差別故云何名為

十空無為一者廣大虛空自然常住離造作空無為

二者大虛空影空無為三者虛空影影空無為四者

破影無所有空無為五者空空俱非空無為六者離  
 言絕說空無為七者絕離未畢空無為八者絕離心  
 解空無為九者絕離窮窮空無為十者無障無礙大  
 空大空空無為是名為十云何名為十有無為一者  
 一切言說決定常住無破非空無為二者一切心識  
 決定常住無破非空無為三者一切大種決定常住  
 無破非空無為四者一切俱非決定常住無破非空  
 無為五者一切有實決定常住無破非空無為六者  
 一切性大決定常住無破非空無為七者一切今光  
 決定常住無破非空無為八者一切有名決定常住  
 無破非空無為九者一切無名決定常住無破非空  
 無為十者廣大圓滿自性本有一切種有決定常住  
 無破非空無為是名為十如偈解脫道路中有二十  
 無為謂十空十有故如是二十種無為法五十一種  
 金剛位中具足圓滿無闕失轉如偈如是諸無為五  
 十一位中皆悉具足有故依如是等二十無為五十  
 一位建立轉相則有二種云何為二一者重重該攝  
 無障礙門二者次第亂轉超過門是名為二如偈依  
 法位立轉有二重重超故且重重該攝無障礙門形  
 相如何偈曰

論

大經地論卷第七

七

南

二十法一一 各攝後二十 五十一種位  
 一一皆各各 攝五十一位 亦此相違攝  
 以此因緣故 建立重重門

論曰云何名為重重門相謂該攝故云何該攝謂二十種無為常法信心具足一一各各攝後諸位名二十種無為法故如說信心餘位亦爾如偈二十法一一各攝後二十故五十一種位各攝五十一亦無障礙如偈五十一種位一一皆各各攝五十一位故亦一一法攝一切位一一位位攝一切法亦無障礙如偈亦此相違攝故以如是二種該攝門故立重重名

如偈以此因緣故建立重重名故如是已說重重該攝無障礙門次當說次第亂轉超過門其相云何偈

曰

五十一位中 隨一經五十 漸漸增法數

周遍廣大轉

論曰今此偈中為明何義為欲現示五十一種金剛位中以信為初經五十位以發心住而為其初經五十位乃至以最極地而為其初經五十位若第一轉增四十一百數法位轉若第二轉增八十二百數法位轉乃至最後地故如偈五十一位中隨一經五十

漸漸增法數周遍廣大轉故蘊高山王品類修多羅  
中作如是說無破地地門中有寂靜寶其數衆多空  
寂靜寶其數衆多若有行者入此門中通達諸法無  
爲大道無所障礙無所疑畏其心自在決是常住大  
安樂漸漸增長常功德海乃至廣說故

解脫山王根本地無礙自在大決擇分第三十二  
如是已說出離繫縛地清白解脫道路大決擇分次  
當說解脫山王根本地無礙自在大決擇分其相  
云何偈曰

根本山王中 空有互相生 諸位相生故

轉勝廣大轉

論曰今此偈中爲明何義爲欲現示十空無爲一一  
各各出生十有無爲常法十有無爲一一各各出生  
十空無爲常法五十一位一一各各出生五十依重  
重等門圓滿廣大轉故如偈根本山王中空有互相  
生諸位相生故轉勝廣大轉故摩訶衍海修多羅中  
作如是說解脫海中亦有空有亦有有有數衆多  
如是空有唯是常滅非無常量唯是功德非過患品  
是故說言解脫藏海乃至廣說故

解脫山王大道路大決擇分第三十三

如是已說解脫山王根本地無礙自在大決擇分次當說解脫山王大道路大決擇分其相云何偈曰

山王道路中 前所說量中 增空空有有

位位轉勝生

論曰就解脫山王大道路分中則有三轉云何為三  
一者空空轉十空無為一一各各生十空故二者有  
有轉十有無為一一各各生十有故三者位位轉五  
十一位一一各各生五十故是名為三取自相生非  
他相故如偈山王道路中前所說量中增空空有有  
位位轉勝生故餘種種門轉轉增數應廣通達

廣大無盡解脫海海摩訶山王大決擇分第三十四  
如是已說解脫山王大道路大決擇分次當說廣大  
無盡解脫海海摩訶山王大決擇分其相云何偈曰

前所說諸轉 無有窮盡故

論曰今此偈中為明何義為欲現示空生自空無有  
窮盡空生異空無有窮盡空生諸有無有窮盡有亦  
如是無有窮盡位亦如是無有窮盡重重無窮亂轉  
無窮無其邊際無其始終甚深甚深周遍周遍廣大  
轉行則是解脫海海山王無礙自在體相用故如偈  
前所說諸轉無有窮盡故

言  
大正地文  
十一  
北疑

摩訶空塵海藏王道路大決擇分第三十五

如是已說廣大無盡解說海海摩訶山大決擇分次當說摩訶空塵海藏王道路大決擇分其相云何偈曰

海王道路中 具足百自在 以此因緣故

建立海王名

論曰今此偈中為明何義為欲現示海王藏中無有別法唯有自在故有幾自在謂百種故云何為百一者時自在三十二法亦一時轉亦異時轉亦轉時中不轉亦不轉時中轉亦遠時轉亦近時轉乃至無量

故二者處自在一異等處轉乃至無量故三者物自在為同異等用乃至無量故四者周遍自在無所不通等乃至無量故五者大小自在極重極微等乃至無量故六者有無自在亦現亦隱等乃至無量故七者寂動自在亦定亦散等乃至無量故八者甚深自在不可思議等事乃至無量故九者不自在自在以逆等事乃至無量故十者無礙自在以逆順事等乃至無量故乃至第百自在自在無盡自在等皆悉自在乃至無量故如前所說三十二法如是自在具足圓滿無闕失轉以此義故立海王名應審思擇如偈

論  
大正地文  
十一  
南

海王道路中具足百自在以此因緣故建立海王名故覺花修多羅中作如是說第一廣分大海門中若廣說有一十方世界之塵量自在若略說有一百自在乃至廣說故

大不可思議重重不可稱量阿說本王大決擇分第三十六

如是已說摩訶空塵海藏王道路大決擇分次當說大不可思議重重不可稱量阿說本王大決擇分其相云何偈曰

阿說本王中 有十方塵量 十方空塵量

三十三法海

論曰今此偈中為明何義為欲現示阿說海中具足圓滿十方世界之塵數十方世界之塵數三十三法海十方世界之塵數十方虛空之塵數三十三法海故如偈阿說本王中有十方塵量十方空塵量三十三法海故本王修多羅中作如是說

爾時世尊告大衆言我以三達智通達一切法無所障礙無所闕失而有一海不可思議不可思議不能窮了謂空塵本王性德圓滿自在自在無盡藏海乃至廣說故

論  
大宗地玄文本論卷第七  
十三  
此疑

# 大宗地玄文本論卷第七

此疑  
無復開大前首一義不可取論不可取論不  
去本經對本王對念釋中計破疑論  
破對疑論本王中有十六聖量十六空聖量二十  
圓量十六世界之聖量十六空之聖量二十二  
論曰此中與即向義為裕與示同論中具列  
二十三聖

# 大宗地玄文本論卷第八

馬鳴菩薩造

陳真諦藏譯

校量功德讚歎信行現示利益大決擇分第三十七  
如是已說大不可思議重重不可稱量阿說本王大  
決擇分次當說校量功德讚歎信行現示利益大決  
擇分其相云何偈曰

譬如盛火聚 雖有極遠處 以光明勢力  
能破遠方闇 此玄文本論 亦復如是  
若有眾生類 同世界共住 雖未得見學

論  
大宗地玄文本論卷第八  
十四

此論火光明	能破遠衆生	心相不覺聞
轉轉增長故	譬如有一人	得彼大火聚
令得覺知明	隨分伏其染	譬如盛火聚
轉勝近其處	光明漸漸了	能破闇更增
此玄文本論	亦復如如是	若有衆生類
同一國共住	雖未得見學	此論火光明
除衆生無知	轉轉令分明	譬如盛火聚
轉轉近其處	光明耀更增	此玄文本論
亦復如如是	若有衆生類	同一城共住
雖未得見學	此論火光明	除衆生無知

轉轉更分明	譬如盛火聚	更轉近其處
光明重重增	煖氣溫其身	此玄文本論
亦復如如是	若有衆生類	同一家共住
雖未得見學	此論火光明	除心惑護身
此人則便得	六種大利益	謂能塞寒氣
能成熟資具	不入毒蟲等	破闇常明了
隨請人普施	焚燒穢糞等	此玄文本論
亦復如如是	若有衆生類	得此玄文論
此人即便得	六種大利益	謂禁煩惱軍
成就功德品	不入邪魔衆	破無明品類

般若慧現前	貧窮佛法財	來乞求眾生
隨順普施與	燒滅煩惱糞	比如有妙華
疊水深池中	名曰青蓮華	有人刹那中
見此蓮華相	一百七日中	其眼根清白
終日無晦濁	此玄文本論	亦復如如是
若有眾生類	雖不知此論	文義之大海
而目見此論	其眼根清淨	見三世諸佛
有作方便目	比如有天鼓	懸圓生樹頂
名曰妙聲覺	無量天女子	聞此鼓音已
二千七日中	其耳根清速	無塞隔之事

此玄文本論	亦復如如是	若有眾生類
雖不知文義	而耳聞此論	其耳根清淨
聞諸佛梵響	有作方便耳	比如有妙藥
生雪山之頂	名曰上味常	有人取此藥
著其舌之原	身香極芬芬	不承用飲食
其命極長遠	亦飛騰虛空	此玄文本論
亦復如如是	若有眾生類	此論中一字
一句若一行	若一決擇分	若一卷之量
以舌經讀誦	雖不知義理	而獲得一切
諸修多羅海	經讀誦功德	比如有菩薩

名曰不思議	大力解脫者	此菩薩大士
神通自在故	於一切所作	皆無所障礙
隨應悉現前	此玄文本論	亦復如如是
若有諸衆生	觀達其義理	覺悟文下詮
通達一切法	皆無所障礙	一一覺分明
比如有神王	名曰大安樂	有人須小具
祀祠此神王	出與七寶藏	令得大安樂
此玄文本論	亦復如如是	若有一男女
此玄文本論	勤受持讀誦	有人須小具
專心供此人	卽得無窮盡	福德智慧寶

無所疑畏心	比如有妙香	名曰芬滿布
有人持此香	遊行於遠方	其經過處處
七七日中間	有香氣不盡	此玄文七論
亦復如如是	若有一男女	荷擔此論部
遊行於遠方	若度大海水	所有諸衆生
皆得大利益	若度山野等	所有諸衆生
亦得大利益	譬如有妙珠	名曰如意寶
隨此珠住處	無量眷屬王	遍周市圍繞
此玄文本論	亦復如如是	隨其住止處
有十方世界	塵量大神王	一一大神王

各率十方界 塵數眷屬神 守護此論珠  
 若滅正法時 作微塵散壞 所有諸神王  
 發大聲哭涕 隨塵所住處 往詣常守護  
 受持此論者 如是數量神 若生若死後  
 常不離守護 功德雖無量 而畧說如是  
 校量過患訶責誹謗現示罪業大決擇分第三十八  
 如是已說校量功德讚歎信行現示利益大決擇分  
 次當說校量過患訶責誹謗現示罪業大決擇分其  
 相云何偈曰

譬如有一山 名曰寶輪上 此山具七寶

更無有窮盡 貧窮求寶類 無量無邊數  
 有珠能禁寶 名曰頂玻瓈 若人有此珠  
 則能取七寶 遠離貧窮苦 獲得大安樂  
 若人無此珠 不能寶禁故 終日不能得  
 問所以者何 若無珠人詣 唯見虎狼熊  
 及赤蛇青蛇 種種雜毒蟲 終不見珍寶  
 以見毒類故 其心極疑怖 狂亂而馳走  
 乃至死滅 珍寶自然有 而彼求珍人  
 福薄罪重故 終不能見得 衆生亦如是  
 善根甚深人 捧堅固信珠 入大乘深海

取功德之寶	出生死苦輪	善根微薄人
得見甚深論	無實信心故	依正作邪解
受苦輪無期	譬如生盲人	得妙莊嚴具
無有歡樂事	癡人亦如是	雖得甚深論
其愚癡極故	不覺出世寶	無有學習心
譬如居井龍	從流水至海	大迷大亂故
謗海而命終	癡人亦如是	自所習堅執
定一不移轉	聞未曾有法	大迷不亂故
誹謗其廣大	墮落惡道中	無有出離期
若有衆生類	見聞斯論教	不信心誹謗

此人則誹謗	三世一切佛	三世諸法藏
三世諸僧海	此人所得罪	無量無量數
不能知邊際	十方界塵量	諸佛大菩薩
一時悉出現	宣說如是量	法門之大海
專教化此人	經過無量劫	終不能教化
問所以者何	唯宣說此法	無餘別道故
如是衆生類	十方界塵量	諸佛大菩薩
以大神通力	向未來遠劫	觀察其限界
無覺道之期	問所以者何	不學三十四
大金剛軌則	到大涅槃岸	無有是處故

是故諸行者 以勤修方便 應觀其法海  
不能達其原 妄生誹謗心 墮落惡道中  
無有出離期 決定不應作 決定不應作  
罪業雖無量 而略說如是

現示本因決定證成除疑生信大決擇分第三十九  
如是已說校量過患訶責誹謗現示罪業大決擇分  
次當說現示本因決定證成除疑生信大決擇分其  
相云何偈曰

我於往昔無量劫 隨世尊修菩薩行  
一時世尊王家奴 國名金水其王名

寶金輪藏此大王 有三十億奴婢類  
有六十億大白馬 金銀等寶亦無盡  
有最下奴各常信 於中大王告常信  
汝受此六十億馬 不離守護令無傷  
爾時彼奴受諸馬 常恒不離無傷護  
如是六十億白馬 經一日食百兩金  
時常信作如是念 我身唯一馬衆多  
難哉難哉無傷畜 此諸馬惡馳難禁  
今何方便能護持 常信作是念已訖  
則便依師學術方 術力變作萬白馬

六十億白馬中  
 發大聲作如是唱  
 爾時有中中化馬  
 餘諸馬皆隨禮拜  
 化馬責小咎皆殺  
 常信所願悉成就  
 常信更復作是念  
 除其為資具黃金  
 告諸馬作如是唱  
 我身并及汝等身

跋鞞柁立白馬  
 馬馬皆悉作禮拜  
 皆悉先前作禮拜  
 作如是事已訖後  
 諸馬更皆伏從化  
 都無所憂恠之心  
 此諸馬皆從我化  
 造作善業易穢報  
 諦聽諦聽諸畜生  
 於過去世心負悔

具作一切惡業障  
 恒一切時不自在  
 一時不得其安樂  
 後世亦受如是報  
 如宜汝等諸畜生  
 須臾飢渴感長樂  
 無其閑閑空過時  
 形穢心濁修何時  
 其國中有殊勝鳥  
 此鳥聲不可思議

亦奴亦馬生此處  
 病苦所逼飢寒亂  
 若作生中不作善  
 去去無有出離期  
 除自資具供德處  
 我人有思心欲修  
 况汝等畜生之身  
 如宜從我化無逆  
 名曰雅音聲覺悟  
 人聞其音大悲慨

爾時彼六十億馬  
 一時發大聲悲哭  
 如是諸馬其聲響  
 平等平等無差別  
 百兩金分爲二分  
 一分以爲福田分  
 造作一金剛佛像  
 最上第一大白馬  
 常信及諸馬皆死  
 同一眷屬不相離

聞常信所語已訖  
 至十日量無休息  
 與雅音聲覺悟鳥  
 爾時常信馬皆喜  
 一分以爲生長具  
 福田分五十兩金  
 總有六十億佛像  
 名曰長嚴雜色見  
 第二生中皆悉入  
 出家學道懃修行

彼六十億出家人  
 從過去立名字故  
 彼時六十億白馬  
 最第一馬雜色見  
 第三生中亦人身  
 第四生中亦得人  
 轉轉經過五百生  
 得重蛇身受大苦  
 次生中亦得蛇身  
 投體懺悔發慚愧

皆名馬鳴無別名  
 過去常信今釋迦  
 今時六十億馬鳴  
 今時中我身而已  
 隨世尊行菩薩行  
 隨世尊習忍辱行  
 次生中瞋因緣故  
 次生中受大魚身  
 以蛇身詣世尊所  
 以偈表意發大心

次生中得人同分  
 則世尊作如是願  
 宣說百億修多羅  
 我則作如是誓願  
 分利益廣略衆生  
 世尊滿足行因海  
 我亦漸漸修因行  
 我則往詣世尊所  
 爾時世尊告我言  
 汝我同住一處中

隨世尊發願繫屬  
 我若成覺道圓滿  
 普利益廣略衆生  
 造作一百釋明論  
 如次後後經多生  
 安住法界山王位  
 證入第八不動地  
 稽首頂禮立一面  
 我念往昔無劫量  
 羨願作繫屬因緣

如宜汝造作論教  
 我則更頂禮和南  
 我今不知作論法  
 唯願世尊爲迷子  
 爾時世尊告我言  
 諦聽諦聽善思念  
 善男子諸佛法藏  
 無窮盡亦無分界  
 若廣說論若略說  
 是名造作論教法

我滅度後興正法  
 向世尊作如是白  
 雅闍都無所覺達  
 開曉造作論教法  
 善哉善哉善男子  
 我當爲汝分別說  
 無量無邊不說劫  
 如是無量法藏海  
 皆通該攝無餘持  
 我亦重疑更作請

法門海無量無邊  
 我今未滿福智海  
 居學位中未究竟  
 皆攝無餘持何得  
 爾時世尊告我言  
 法門大海雖無量  
 有攝無量宗本法  
 若具攝此宗本法  
 是名說攝諸法藏  
 我亦更作如是白  
 云何名為宗本法  
 其數幾有可知不  
 爾時世尊告我言  
 所言宗本法體者  
 謂三十四法大海  
 若有論者具此法  
 名言圓滿大海論  
 若有論者不具者  
 名言一分小智論  
 以如是大要因緣

我今依三十四法

該攝安立無餘說

因緣品類雖無量

而總言略說如是

勸持流通發大願海大決擇分第四十

如是已說現示本因決定證成除疑生信大決擇分  
 次當說勸持流通發大願海大決擇分其相云何偈

曰

願此圓滿大海論  
 遍不思議塵刹中  
 出生無量般若日  
 消除無邊無明闇  
 轉作三寶之大海  
 無非法雨功德藏  
 非請感周遍相應  
 非勸策自然成就

# 大宗地玄文本論卷第八

## 音釋

縞子爲切 扞胡雅切 壘尺良切 誤職雉切 扼職收切

泰和信官蕭士瑋捐資刻

大宗地玄文本論

殷時衡 同對

崇禎癸未孟夏虞山筆嚴閣識

論八卷  
共字三萬二千零  
九十三箇  
計寫銀一兩二錢八分四厘  
計刻銀十一兩二  
錢三分三厘  
共板四十八塊  
計工價銀二兩四錢  
溧水魏邦泰書  
楊可澮刻



十一  
廿三